


Perorsaasunngorniat suliffimmi misiliinerat pillugu quppersagaq

Perorsaasutut sammivilimmik bacheloritut ilinniarneq
Perorsaanermik Ilinniarfik
Socialpædagogisk Seminarium
Ilulissat



07. juni 2018

Suliffimmi misiliiffiusumi aqutissiuussisunut, misiliisunut PI/SPS-imilu suliffimmi misiliinermi ilinniartitsisunut

Perorsaanermik Ilinniarfiup/Socialpædagogisk Seminarium (PI/SPS) suliffimmi misiliineq pillugu quppersagaq perorsaasutut sammivilimmik bacheloritut ilinniarnermi suliffimmi misiliinernut marluusunut tunngatillugu, nalinginnaasumik suliffimmi misiliinermi immikkullu ilinniagaqarluni suliffimmi misiliinermi atugassarititaasunut piumasagaatinullu ilitersuutaavoq.

Suliffimmi misiliineq pillugu quppersagaq paaqqinnittarfinni suliffimmi misiliiffiusuni aqutissiuusisunut, misiliisunut seminariamilu suliffimmi misiliinermi ilinniartitsisumut sammitinneqarpoq. Suliffimmi misiliineq pillugu quppersagaq aamma arlalinnik ilanngussartaqarpoq allagaatitaqarlunilu suliffimmi misiliinernut tapertaasunik uppersaasersuinermilu atugassanik. Taakku USB-imiipput, suliffimmi misiliisumit suliffimmi misiliinerup aallartinnerani nassarneqartussamiillutik.

Una Suliffimmi misiliineq pillugu quppersagaq Perorsaasutut sammivilimmik bacheloritut ilinniarnernup aaqqissugaanera pillugu quppersakkamik (maj 2008-mi misiliutitut akuerineqartumik) aallaaveqarpoq.

Quppersakkap immikkoortortalersorneqarnera

Quppersagaq sisamanut immikkoortortalersorneqarsimavoq:

- 1) Suliffimmi misiliinermut inatsisitigut tunngavigineqartut
- 2) Suliffimmi misiliinermi anguniagaasut siunertaasullu
- 3) Suliffimmi misiliinermut atatillugu inuit qitiusumik inissisimaffeqartut
- 4) Suliffimmi misiliinerup ingerlanerani sinaakkutit atugassarititaasullu

Suliffimmi misiliineq pillugu quppersagaq suliffimmilu misiliineq pillugu paasissutissat allat PI/SPS'p nittartagaani, www.pi.sps.gl -imi pissarsiarineqarsinnaapput.

Suliffimmi misiliineq pillugu quppersagaq pitsanngorsartuarumallugu matuma saqqummertup oqaaseqarfiginissaanut tikilluaqqusivugut. Suliffimmi misiliinermi ataqatigiissaarisumut allallutit imaluunniit sianerlutit:

Benedikte Petersen

Suliffimmi misiliinermi ataqatigiissaarisuugallartoq

praktik@pi.sps.gl

Nuutsisarfik: +299 38 35 50 / Tlf. toqqaannartoq: +299 38 35 87

Kapitel 1: Suliffimmi misiliinermut tunngatillugu inatsisit atuuttut.....	4
1.1 Suliffimmi misiliineq pillugu inatsisitigut tunngavik	4
1.2 Nalinginnaasumik suliffimmi misiliinermut inatsisitigut tunngavigisat	4
1.3 Immikkut ilinniagaqarluni suliffimmi misiliinermut inatsisitigut tunngavigisat	4
Kapitel 2: Suliffimmi misiliinermi siunertaq	6
2.1 Ilinniarnermi siunertaq.....	6
2.2 Suliffimmi misiliinermi ataatsimoortumik ilikkagassatut anguniakkat siuariartornerlu	6
2.3 Suliffimmi misiliinerup ingerlaneranut paasissutissat ilikkagaqarnissamullu sakkussat	7
2.3.1 USB-stikki.....	7
Kapitel 3: Suliffimmi nalinginnaasumik misiliinermut suliffimmilu misiliinermi suliassanut piumasagaatit.....	9
3.1 Suliffimmi misiliinermi siullermi piginnaasaqarfigiligassat ilikkagassatullu anguniagassat	9
3.2 Suliffimmi misiliinermi siullermi ilisimaligassat aamma sularisinnaaligassat qitiusut.....	9
3.3 Nalinginnaasumik suliffimmi misiliinermi suliassaq.....	10
Kapitel 4: Immikkut ilinniagaqarluni suliffimmi misiliineq suliffimmilu misiliinermi suliassaq	11
4.1 Suliffimmi misiliinerup aappaani piginnaasassat ilikkagassatullu anguniagassat	11
4.2 Suliffimmi misiliinerup aappaani ilisimaligassat sularisinnaaligassallu qitiusut.....	12
4.3 Immikkut ilinniagaqarluni suliffimmi misiliinermi allaaserisassaq	12
Kapitel 5: Inuit suliffimmi misiliinermi qitiusut taakkulu suliassaat	14
5.1 Suliffimmi misiliisoq.....	14
5.1.1 Suliffimmi misiliinerup ingerlanera suliassa qarfiit assigiinngitsut sungiusarneri.....	15
5.1.2 Suliffimmi misiliisup ilanngussanik akisussaaffeqarnera	15
5.2 Suliffimmi misiliinermi aqutissiuisoq	15
5.2.1 Suliffimmi misiliinermi aqutissiuisoq suliffimmi misiliinermi isumagissavai	16
5.2.2 Suliffimmi misiliinermi aqutissiuisoq ilanngussat akisussaaffii	17
5.3 Suliffimmi misiliinermi ilinniartitsisoq.....	17
5.3.1 Suliffimmi misiliinermi ilinniartitsisoq piffissap ingerlanerani	17
5.3.2 Suliffimmi misileereernerup kingorna suliffimmi misiliinermi ilinniartitsisup isumagissavai	18
Kapitel 6: Suliffimmi misiliinerup ingerlanera suliassallu aalajangersimasut	19
6.1 Paaqqinnittarfik suliffimmi misiliiffissap akuerineqarnera	19
6.2 Suliffimmi misiliinerup aallartinnginnerani	19

6.2.1	Anguniagassatut oqaasertaliussat.....	20
6.2.2	Anguniagassatut oqaasertaliussat imai	21
6.2.3	Anguniagassatut oqaasertaliussat suliarinerani piffissaliussat	21
6.3	Suliffimmi misiliinerup ingerlanerata nalaani	22
6.3.1	Ilinniartup allattaavia.....	23
6.3.2	Ilinniartup allattaavianik ineriartortitsineq	25
6.4	Aaqqissuussaasumik naapittarnerit	25
6.4.1	Aaqqissuussaasumik naapittarnerni oqaluuserisassat imaqarniiallu.....	26
6.5	Nalilersuisarnerit.....	28
6.5.1	Piffissap affaata nalaani naliliineq	28
6.5.2	Suliffimmut misiliiffiusumut pulaarneq	28
6.5.3	Piffissap naalernerani naliliineq	29
6.5.4	Suliffimmi misiliinerup ingerlaneranik naliliineq	30
6.5.5	Piffissaq suliffimmi misiliineq akuerineqarsinnaanngippat	30
6.6	Suliffimmi misiliinermik eqikkaaneq	31
Kapitel 7: Suliffimmi misiliinerup nalaani atugassarititaasut		32
7.1	Suliffimmi misiliisumut atugassarititaasut	32
7.1.2	Suliffimmi misiliisup sapaatit akunneranut piffissat suliffigisartagassai	32
7.1.3	Suliffimmi misiliisup piffissat suliffigisartagaasa aalajangersarneqarnerat.....	33
7.1.4	Suliffimmi misiliinerup nalaani feeria	33
7.1.5	Suliffimmi misiliinerup nalaani seminariamut atassuteqarneq	34
7.1.6	Suliffimmi misiliineq unitsinneqarpat.....	34
7.1.7	Ilulissat avataani imaluunniit nunani tamalaani suliffimmi misiliineq	34
7.1.8	Illoqarfimmit ilinniarfimiit paaqqinnittarfimmut misiliiffissamut angalanerit	35
7.2	Suliffimmi misiliinermi aqqutissiuusumut atugassarititaasut.....	36
7.2.1	Suliffimmi misiliinermi aqqutissiuusup akissarsiaqartinneqarnera	36
7.2.2	Suliffimmi misiliinermi aqqutissiuusup peqannginnera napparsimaneraluunniit	36
Kapitel 8: Suliffimmi misiliineq pillugu annertunerusumik		37
8.1	Atuakkat allattorsimaffiat	37

Kapitel 1: Suliffimmi misiliinermut tunngatillugu inatsisit atuuttut

1.1 Suliffimmi misiliineq pillugu inatsisitigut tunngavik

Suliffimmi misiliinermut inatsisitigut tunngaviusooq tassaavoq perorsaanermik ilinniartitaaneq pillugu nalunaarut nr. xx, xx.xxxx 2005-imeersoq.

Perorsaanermik ilinniartitaaneq pillugu Namminersornerullutik Oqartussat nalunaarutaanni nr. xx, xx.xxxx 2005-imeersumi kapitali 6

§ 29. *Ilinniarnermi semesterit aappaanni tallimaanilu ilinniartoq suliffimmi misiliisooq. Suliffimmi misiliinermi paaqqinnittarfiit nalinginnaasut immikkullu ilinniagaqarluni suliffimmi misiliinerit pineqarput. (...)*

§ 30. *Suliffimmi misiliinermi anguniagaavoq, ilinniartut ataasiakkaatut allallu suleqatigalugit assigiinngitsutigut perorsaanermik sulineri peqataassasut ilisimasanillu katersinikkut, suliarinninikkut misilittakkanillu atuinikkut perorsaanermi suliassanik suliaqarsinnaanissamut piukkunnaateqalissasut.*

§ 31. *Suliffimmi misiliineq imatut atugassaqartitaalluni ingerlanneqartassaaq:*

1) *Ilinniartitaanermut Siunnersuisoqatigiit inassuteqarnerat malillugu Perorsaanermik Ilinniarfiup suliffik misiliiffittut akuerisaani suliffimmi misiliineq ingerlanneqassaaq.*

2) *Perorsaanermik Ilinniarfik suliffillu misiliiffiusooq suliffimmi misiliineq pillugu isumaqatigiissuteqassapput. Ilinniartup suliffimmi misiliinermut isumaqatigiissut eqqortissavaa, matumani ilinniartup suliffimmi misiliiffiusumi ulluinnarni suliassanik suliarinninnermi peqataanissamut pisussaaffeqarnera ilanngullugu.*

3) *Perorsaanermik Ilinniarfik suliffik misiliiffiusooq suleqatigalugu ilinniartup suliffimmi misiliinerani siunnersortissaanik toqqaassapput, suliffimmi misiliinerup ingerlannganik akisussaasuussamik.*

4) *Perorsaanermik Ilinniarfiup qulakkiissavaa, suliffimmi misiliinerup ingerlanerani ilinniartup ingerlaavartumik siunnersorneqartarnissaa.*

1.2 Nalinginnaasumik suliffimmi misiliinermut inatsisitigut tunngavigisat

Ulluunerani paaqqinnittarfinnut atuuppoq:

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisaat nr. 16, 3. december 2012-imeersoq.

Sunngiffimmi sammisassaqaartitsinermut atuuppoq:

Kulturikkut ingerlatsineq sunngiffimmilu sammisassaqaartitsineq pillugu Inatsisartut inatsisaat nr. 5, 6. juni 2016-imeersumi kapitali 5 aamma kapitali 6-imiittut.

1.3 Immikkut ilinniagaqarluni suliffimmi misiliinermut inatsisitigut tunngavigisat

Meeqqat, inuusuttut inersimasullu immikkut pissuteqartumik suliniarfigisariaqartut:

Meeqqat tapersorneqarnissaannut Inatsisartut inatsisaat nr. 20, 26. juni 2017-imeersaq aamma Annertuumik innarluutillit ikiorserneqartarnerat pillugu Inatsisartut peqqussutaat nr. 7, 3. november 1994-imeersaq kiisalu Inersimasunut paaqqinniffiit immikkut ittut pillugit Namminersornerullutik Oqartussat nalunaarutaat nr. 10, ulloq 1. april 1995-imeersaq.

Meeqqat atuariini immikkut ittumik atuartitsinermi aamma allatut immikkut perorsaanikkut ikiorsiisarnermut inatsit tassaavoq:

Atuarfik pillugu Inatsisartut inatsisaat nr. 15, 3. december 2012-imeersumi § 15, 25 aamma 35, imm. 4 pingaartumik tunngavigineqarlutik.

Kapitel 2: Suliffimmi misiliinermi siunertaq

Suliffimmi misiliinermi siunertaavoq, suliffimmi misiliisoq ataasiakkaatut allallu suleqatigalugit assigiinngitsutigut perorsaanermik sulinermi peqataassasoq perorsaanermilu suliaasaqarfimmik ilisimasaqalissasoq. Suliffimmi misiliisoq sulisutut meeqqanik, inuusuttunik inersimasunillu atuisunik atassuteqarsinnaalissaaq, suleqatinik suleqateqarsinnaalissalluni atuisunullu angajoqqaatut oqartussaasunik pilersuisunillu siunnersuisinnaalissalluni. Suliffimmi misiliinerup ingerlanerani suliffimmi misiliisup perorsaanermi suliaasat immikkoortissinnaalerlugit sungiusassavai tassungalu atatillugu – perorsaanermi sammisassaqartitsinissamut suliaqarnissamullu pilersaarusiorneq, ingerlatsineq nalilersuinerlu sungiusassallugit.

2.1 Ilinniarnermi siunertaq

Suliffimmi misiliineq perorsaasunngorniarnermi qitiusut ilagaat perorsaanermik sulinermi sulisutut sungiusarfiulluni pingaarutilik, tassani suliffimmi misiliisup sulinikkut ineriartornissani siunertaralugu atuagarsornermi ilisimasani sulinermut atassusissammagit. Suliffimmi misiliisup taamaalilluni perorsaanermi piginnaasani sulinikkut sungiusassavai ilinniarnissamullu isumassarsiorfigissallugit perorsaanermilu periaatsit perorsaanermi sulisinnaassutsi nukittorsarniarlugu sulinermi atussallugit. Suliffimmi misiliinikkut ilinniarnermi anguniagaasut tapersersorneqarput, sulinermik tunngaveqartumik ilisimasat, paasinnineq sulisutut iliuuseqarsinnaaneq tunngavilerneqarmat sinaakkuserneqarlunilu. Suliffimmi misiliineq PI/SPS-imilu ilinniartitsineq assigiinngitsuugaluartut ilikkagaqarnissamut tapertariittunik periarfissiipput, ilisimasat suliffimmi misiliisup ilikkagaqarnissaanut qulakkeerinnittut. Suliffimmi misiliisup ilikkagaqarnissaanut aallaaviit tassaapput peqataaneq, misilittakkanik aqqissuussaasumik eqikkaaneq aamma perorsaaneq, paaqqinnittarfik sulisutullu susassareqatigiinnerannik eqqarsaatiginnineq. Suliffimmi misiliinikkut ilinniarneq ilinniartup sulinikkut sungiusarnissaanut ilinniartullu nammineq perorsaanermi sulisutut suliniarfigisallu immikkoorutaannik misissuinissaanut sinaakkusiivoq.

2.2 Suliffimmi misiliinermi ataatsimoortumik ilikkagassatut anguniakkat siuariartornerlu

Suliffimmi misiliinerit paaqqinnittarfinni assigiinngitsuni marlunni ingerlanneqassaaq. Suliffimmi misiliineq siulleq semesterit aappaanni nalinginnaasumik suliaasaqarfiusumi ingerlanneqassaaq. Suliffimmi misiliinerup aappaanni semesterit tallimaanni immikkut suliaasaqarfiusumi ingerlanneqassalluni.

Ilinniarnermi suliffimmi misiliinerit marluusut siuariartortumik aqqissuunneqassapput, perorsaasutut sulinermi pisariusumi sammivinnik arlaqarnerujartuinnartunik ilaartorneqassallutik, taamaalilluni ilinniartup eqqumaffiginiagassai perorsaasutullu sulinermut tunngatillugu sulisutut tamakkiisumik takunnissinnaaneq annertusiartortinneqassalluni.

Suliffimmi misiliinerit marluusut aqutigalugit suliffimmi misiliisup makku

angujartussavai:

- Atuisut perorsaanermilu sulineq pillugit ilisimasaqaleriartorneq, paaqqinnittarfimmut atasumik
- Perorsaanermi sulinermut tunngatillugu sulisinnaassuseqaleriartorneq, misissuisinnaassuseqaleriartorneq eqqarsaatiginnissinnaassuseqaleriartorneq, matumani nammineq sunniiniutinik, piginnaaneqarfinnik, killeqarnermillu paasisimasaqaleriartorneq ilanngullugit
- Perorsaanermi sulineq suliniarfigisanullu assigiinngitsunut periarfissanik ineriartortitsineq pillugu nammineq sulinermik suleqatinillu suleqateqarnermik paasinninneq
- Perorsaasut inuiaqatigiinni inissisimaffiannik ileqqorissaarnertigullu akunnattoorfigisartagaannik paasisimasaqalerneq
- Nammineq sutigut tamatigut perorsaanermik sulinikkut misilittakkanik ilisimasanillu uppernarsaasersuineq ingerlatitseqqiisinaanerlu.

2.3 Suliffimmi misiliinerup ingerlaneranut paasisutissat ilikkagaqarnissamullu sakkussat

2.3.1 USB-stikki

USB-stikki mappinik marlunnik imaqarpoq. Mappi ataaseq ilinniartumut aappaalu suliffimmi misiliinermi aqqutissiuusumut. Mappiniipput allagaatit assigiinngitsut, suliffimmi misiliinerup ingerlanerani atorneqartussat. Malugiuk, suliasat aalajangersimasut taakkulu nassiunneqarnissaat piffissalersornerat ilaammata. – Suliffimmi misiliisup akisussaaffigaa fil-it suliffimmi misiliinermi aqqutissiuusup suliffimmi misiliinerup ingerlanerani atugassai tunniutissallugit.

Stikki taanna fil-inik makkuninnga imaqassaaq:

Suliffimmi misiliisumut:

- Suliffimmi misiliineq pillugu quppersagaq
- Ilanngussat (tiiminut allattuiffik, piffissap affaata nalaani naliliineq piffissallu naalernerani naliliineq)
- Allaaserisassap allannerani ilitsersuineq
- APA-assigiissaarineq pillugu ilitsersuineq
- Suliffimmi misiliinerup sapaatit akunnerini 14/18-ini ingerlanerini piffissalersuineq killiliussaasullu.
- Ilinniarnermi allattaavik
 - Atuakkat allattorsimaffii
 - Atuakkat allattorsimaffiini APA-assigiissaarinermut assersuutit
 - Ileqqorissaarnermi eqqarsaatigisassat
 - Oqaluuserisassanut imaqarnilianullu missingiutit
 - Aaqqissuussaasumik naapittarnernut piareersaasarneq (assersuutitalerlugu)
 - G - L - K modeli (suliffimmi misiliinermi siullermi)
 - Pisunik allaaserinninneq siulleq
 - Pisunik allaaserinninneq (suliffimmi misiliinerup aappaani)

Suliffimmi misiliinermi aqutissiuusumut:

- Suliffimmi misiliineq pillugu quppersagaq
- Ilanngussat (Aaqqissuussaasumik naapittarnernik nalunaaruteqartarneq, piffissap affaata nalaani naliliineq piffissallu naalernerani naliliineq)
- Suliffimmi misiliinerup sapaatit akunnerini 14/18-ini ingerlanerini piffissalersuineq

Kapitel 3: Suliffimmi nalinginnaasumik misiliinermut suliffimmilu misiliinermi suliassamut piumasaqaatit

Nalinginnaasumik suliffimmi misiliineq semesterit aappaanni sapaatit akunnerini 14-ini sivissuseqarluni nalliuttut ilanngullugit ingerlanneqartarpoq; 18 ECTS-inik naleqarluni suliffimmi misiliinermi eqikkaaneq ilanngullugu.

Suliffimmi nalinginnaasumik misiliineq Ilulissani ingerlanneqartarpoq imaluunniit Kalaallit Nunaata sinnerani ingerlanneqarsinnaalluni, tassa imaappoq suliffimmi misiliineq Tunumi ingerlanneqarsinnaanngitsoq. Suliffimmi misiliinermi meeqqat suliniarfigneqassapput. Paaqqinnittarfiit misiliiffiusinnaasut tassaasinnaapput ulluunerani meeqqeriveqarfiit soorlu meeraaqqeriviit, meeqqeriviit sunngiffimmilu orninneqartartut.

Oqaatsit qitiusut nalinginnaasumik suliffimmi misiliinermut attuumassuteqartut:

Alaatsinaanneq, misissueqqissaarneq, eqqarsaatiginninneq, atuagarsornerup sulinerullu ataqatigiinnerat, perorsaanermi sammisasaqartitsinerit susassareqatigiinneq attaveqarnerlu.

3.1 Suliffimmi misiliinermi siullermi piginnaasaqarfigiligassat ilikkagassatullu anguniagassat

- Meeqqanik inuusuttunillu alaatsinaanneq misissueqqissaarnerlu assersuutigalugu pinnguarnermut, susassareqatigiinnermut ikinngutiginnermut il.il. tunngatillugu.
- Nammineq iliuutsinik sunniuteqarnermillu alaatsinaanneq.
- Allanik susassareqatigiinnermi qanoq pissuseqarnermik eqqarsaatiginninneq
- Perorsaanermi isumaliutinik nutaanik saqqummiussineq iliuseqarnissamullu siunnersuuteqarneq.
- Paaqqinnittarfimmi misiliiffiusumi ulluinnarni perorsaanermik sulinermi ilaaneq.
- Attaveqarnermut ilaaneq attaveqarnermillu isumalinnik ineriartortitsineq allallu attaveqarnissamut pilersitsisinnanannik tapersersuineq.
- Perorsaanermi suliassanik pilersaaruserneq, ingerlatsineq nalilersuinerlu.
- Sulinermit misilittakkanik eqikkaaneq eqqarsaatiginninnerlu.
- Nammineq sulineq pillugu ileqqorissaarnikkut apeqqusersuinikkullu tunngavilersuineq isummersornerlu.
- Inuttut attaveqarnikkut piginnaasaqarnermik paasisimasaqarnermillu aamma inooqatigiinnikkut akuulluarsinnaanermik takutitsineq

3.2 Suliffimmi misiliinermi siullermi ilisimaligassat aamma sularisinnaaligassat qitiusut

Perorsaanermi attaveqarneq

- Perorsaanermik suliqaarnermi peqataasut akornanni susassareqatigiinneq attaveqarnerlu
- Susassareqatigiinnerup ataasiakkaat inuunerinnerannut ineriartornerannullu pingaaruteqassusia, matumani nammineq attaveqarnermi sunniuteqataaneq

pingaaruteqarnerlu ilanngullugit.

- Attaveqarnermi attaveqatigiinneq, susassareqatigiinneq akerleriittarnerlu.
- Attaveqarnermi pissaaneq ileqqorissaarnerlu.

3.3 Nalinginnaasumik suliffimmi misiliinermi suliassaq

Suliffimmi misiliinermi suliassaq perorsaanermi sammisaqartitsinermik aallaaveqassaaq, suliffimmi misiliisup pilersaaruserlugu, ingerlallugulu nalilersugassaa. Suliassaq atuagarsornikkut isumaliutinik ilinniartitsinermilu maannamut ingerlanneqarsimasunik tunngaveqassaaq.

Suliffimmi misiliinermi aqutissiuisoq naatsorsuutigineqarpoq suliassaqarfimmut ilisimasaqassasoq, suliffimmi misiliisup sammisassamik toqqaanera tunngavigalugit sulinikkut siunersioqatigineqartassasoq. Suliffimmi misiliinermi ilinniartitsisoq suliffimmi misiliisup suliassamik suliaraqarnerani aqutissiortassavaa suliassallu inaarutaasumik nalilerneqarneranut akisussaasuulluni.

Suliffimmi misiliisup suliassaq allallugu aallartissinnaavaa sammisassaqartitsineq ingerlassimasani aallaavigalugu allaaserisamini samminiakkani toqqareeruniuk. – Suliffimmi misiliinermi ilinniartitsisup pulaarnermini suliffimmi misiliisoq siullermeertumik aqutissiuutissavaa. Tamatuma kingornatigut suliffimmi misiliisoq piffissap sinnerani suliassap allannerani katillugit 2 x 20 minutsinik aqutissiuunneqarsinnaavoq. Suliffimmi misiliisup ilinniartitsisuminut ersarissumik erseqqissassavaa immikkoortuni sorlarni aqutissiuunneqarusunnerluni. Suliassamik aqutissiuunneqarnissaq sioqqullugu telefonikkut e-mailikkulluunniit piffissaliussat isumaqatigiissutigineqassapput.

Imartussusissaanut quppernerit nalinginnaasut 4-6 qupperneqarnissaa piumasarineqarpoq, tassa imaappoq 9.600-14.400-inik naqinneqassasoq akunnilersuinerit ilanngullugit. Nalinginnaasumik suliffimmi misiliinermi suliffimmi misiliisoq suliffimmilu misiliinerup ingerlanera ataatsimut nalilerneqarnerani suliassaq ilaatinneqassaaq. Suliffimmi misiliinermi suliassaq akuerineqarpumik akuerineqanngilamik nalilerneqassaaq.

Aamma takuuk “Suliffimmi misiliinermi suliassamut aqutissiuunneqarneq” tassani suliffimmi misiliinermi suliassap imarisassai sukumiisumik allaaserineqarput. Ilitsersuutit suliffimmi misiliisup USB-stikkiutaani nassaassaapput.

Suliffimmi misiliinermi suliassaq akuerineqanngippat, suliffimmi misiliisoq suliassap pitsanngoriartinnissaa siunertaralugu nutaamik aqutissiorneqarnissamut periarfissaqarpoq.

Kapitel 4: Immikkut ilinniagaqarluni suliffimmi misiliineq suliffimmilu misiliinermi suliassaq

Immikkut ilinniagaqarluni suliffimmi misiliineq semesterit tallimaanni sapaatit akunnerini 18-ini sivisussuseqarluni ingerlanneqartarpoq 30 ECTS-inillu naleqarluni. Suliffimmi misiliineq Kalaallit Nunaanni avataaniluunniit ingerlanneqassaaq suliniarfigineqassallutik meeqqat, inuusuttut inersimasulluunniit immikkut pisariaqartitsisut.

Paaqqinnittarfiit misiliiffiusut tassaasinnaapput meeqqanut inuusuttunullu ulloq unnuarlu angerlarsimaffiit, timikkut tarnikkullu piginnaasakitsunut paaqqinnittarfiit, meeqqat atuarfiini immikkut perorsaanermik neqerooruteqarfiusut, tarnikkut nappaatilinnut nakorsaanermik suliassaqarfiit imaluunniit perorsaanikkut suliniutit, suliffimmi misiliinermi anguniagaasunut attuumassuteqartut.

Suliffimmi misiliineq una suliffimmi misiliinerup siulliup nanginneqarneratut isigineqassaaq, naatsorsuutigineqarlunilu suliffimmi misiliinerup aappaani misiliisoq maanna namminersorluni sulisullu allat naligalugit sulissasoq. Tamanna isumaqarpoq suliffimmi misiliisoq perorsaanermik sulinermik aallarniisarunilu akisussaaqataassasoq.

Oqaatsit qitiusut immikkut ilinniagaqarluni suliffimmi misiliinermut attuumassuteqartut:

Namminersorneq, eqqarsaatiginnineq, sammiviliineq, apeqqusiisarunilu naliliineq, perorsaanermi sammisassaqtitsineq suliaqartitsinerlu.

4.1 Suliffimmi misiliinerup aappaani piginnaasassat ilikkagassatullu anguniagassat

- Meeqqanik, inuusuttunik inersimasunillu alaatsinaanneq misissueqqissaarnerlu assersuutigalugu pissaanermik atuinermut tunngatillugu aaqqissuussineq, attaveqatigiinnerit, suliassat agguataarneqarnerat inissisimaffiillu.
- Perorsaanermi anguniakkanik ingerlatsisinnaaneq, inissitsiterineq, pilersaaruserneq, naammassinnineq, uppersaasarsuineq nalilersuinerlu.
- Suleqatinik, angajoqqaanik / qanigisanik suleqatigisartakkanillu allanik attaveqateqarsinnaaneq suleqateqarsinnaanerlu.
- Atuisunut ataasiakkaanut attaveqarnermut tunngatillugu namminersorsinnaaneq (assersuutigalugu atuisumut iliuusissatut pilersaarummut tunngatillugu) aamma pingaarnerusutigut suliniarfigineqartunut perorsaanermi pilersaaruserneq ineriartortitsinerlu kiisalu suliffeqarfiup perorsaariaasianut tunngatillugu.
- Perorsaanermik ulluinnarni sulinermut peqataaneq aamma aaqqissuunneqarneranut aaqqissugaanerannullu suleqataaneq.
- Ineriartortitsinermi allannguiniarnermilu suleqataaneq.
- Perorsaanermi suliassanik pilersaaruserneq, ingerlatsineq uppersaasarsuineq naliliinerlu.
- Perorsaanermi sulinermik uppersaasarsuineq ingerlatitseqqiinerlu.

- Nammineq sulineq pillugu ileqqorissaarnikkut apeqqusersuinikkullu tunngavilersuineq isummersornerlu.
- Perorsaasutut sulisinnaassuseqarneq pigiliutissallugu perorsaasutullu sulineq ineriartortitseqataaffigalugulu nutaanngorsaaqataaffigissagaa.
- Suliniarfigisat aalajangersimasut pisariaqartitaat eqqarsaatigalugit siunnerfilimmik suliniuteqarsinnaalissasoq.
- Suliniarfigisat pillugit atuagarsornikkut sulinikkullu ilisimasat qanoq ataatsimut perorsaasunermik sulinermi atornerqarsinnaaneri nassuiarsinnaalissallugit.
- Ilisimatuussutsikkut atuagarsuutinik ilisimasaqarneq periaatsinillu atuisinnaaneq tunngavigalugu sulineq pillugu misissiveqqissaarnermut eqqarsaatiginneqqissaarnermullu peqataaneq aqqutigalugu ilisimasanik pilersitsisinnaaneq.
- Nammineq sulisutut kinaassuseq nassuiarsinnaassallugu sulisutullu iliuuserisassanut tunngavigisat ineriartortinnerallu isummerfigisinnaalissallugit.

4.2 Suliffimmi misiliinerup aappaani ilisimaligassat sularisinnaaligassallu qitiusut

Perorsaasutut sulineq

- Sulisutut suliassaqrarfiit suliassallu
- Perorsaasutut sulisutut ilioriaatsit perorsaasunermilu periaatsit
- Sulisutut ilisimasassat, sulinermi oqaatsit qitiusut oqaatsillu atornerqartut, matumani ilisimatuussutsikkut tunngavigisat periaatsillu ilanngullugit.
- Suliffiup oqaluttuarisaanikkut kulturikkullu inuiaqatigiit siuariartornerannut ataqatigiinnera.
- Sulisutut imminut ilisimassuseqarneq kinaassuseqarnerlu.
- Perorsaasutut sulinermi assigiinngitsunik suliallit suleqatigiillutik suliassaannut aaqqiissutissanik nassaassarsioqataasinnaaneq

4.3 Immikkut ilinniagaqarluni suliffimmi misiliinermi allaaserisassaq

Immikkut ilinniagaqarluni suliffimmi misiliinermi aallaavigineqarpoq perorsaasunermik ingerlatsinermut uiggiullugu ajornartorsiut suliffimmi misiliisup nammineq misilittagaa. Tamanna taamaattumik “Immikkut ilinniagaqarluni suliffimmi misiliinermi suliassanut ilitersuummi” paasissutissanik piviusunit aallaaveqartunik taaneqarpoq.

Naqinnerit ikinnerpaamik 19.200-inik amerlanerpaamillu 28.800-inik amerlassuseqassapput akunnilersuineq ilanngullugu, tassa imaappoq 8-12-nik qupperneqassasoq.

Suliffimmi misiliinermi aqqutissiuisoq naatsorsuutigineqarpoq suliassaqrarfiimmut ilisimasaqarnera, suliffimmi misiliisup sammisassamik toqqaanera tunngavigalugit sulianut tunngasunik siunersioqatigineqartassasoq. Suliffimmi misiliinermi ilinniartitsisoq suliffimmi misiliisup suliassamik suliagarnerani aqqutissiortassavaa nalinginnaasumillu suliffimmi misiliineq assigalugu suliassap inaarutaasumik

nalilerneqarneranut akisussaasuulluni.

Suliffimmi misiliisup suliassaq allallugu aallartissinnaavaa paasissutissat piviusunik aallaaveqartut pigisani aallaavigalugit allaaserisamini samminiakkani toqqareeruniuk. – Suliffimmi misiliinermi ilinniartitsisup pulaarnermini suliffimmi misiliisoq siullermeertumik aqutissiuutissavaa. Tamatuma kingornatigut suliffimmi misiliisoq piffissap sinnerani suliassap allannerani katillugit annerpaamik sisamariarluni aqutissiuunneqarsinnaavoq. Suliffimmi misiliisup ilinniartitsisuminut ersarissumik erseqqissassavaa immikkoortuni sorlarni aqutissiuunneqarusunnerluni. Suliassamik aqutissiuunneqarnissaq sioqqullugu telefonikkut e-mailikkulluunniit piffissaliussat isumaqatigiissutigineqassapput.

Immikkut ilinniagaqarluni suliffimmi misiliinermi suliffimmi misiliisup suliffimmilu misiliinerup ingerlanera ataatsimut nalilerneqarnerani suliassaq ilaatinneqassaaq. Suliffimmi misiliinermi suliassaq GGS-skala malillugu nalilerneqassaaq (tak. Nalunaarut nr. 14, 23. juni 2008-meersoq).

Aamma takuuk “Suliffimmi misiliinermi suliassamut aqutissiuunneqarneq” tassani suliffimmi misiliinermi suliassap imarisassai sukumiisumik allaaserineqarput. Ilitsersuutit suliffimmi misiliisup USB-stikkiutaani nassaassaapput.


Suliffimmi misiliinermi suliassaq akuerineqanngippat, suliffimmi misiliisoq suliassap pitsanngoriartinnissaa siunertaralugu nutaamik aqutissiorneqarnissamut periarfissaqarpoq.



PI/SPS – allilerneqanngikkallarmat

Kapitel 5: Inuit suliffimmi misiliinermi qitiusut taakkulu suliassaat

Inuit piffissani suliffimmi misiliiffiusuni marlunni qitiusumik inissisimaffillit tassaapput: suliffimmi misiliisoq, suliffimmi misiliinermi aqcutissiuisoq suliffimmi misiliiffiusumi atorfilik suliffimmilu misiliinermi ilinniartitsisoq PI/SPS-imi ilinniartitsisuuq.



Inuit suliffimmi misiliinermit atatillugu qitiusut assiliartalerneqarnerat.

Suliffimmi misiliinerup ingerlanerani suliffimmi misiliisup, aqcutissiuisup ilinniartitsisullu akornanni suleqatigiinneq qituuvoq. Paaqqinnittarfik suliffimmi misiliiffiusoq suliffimmi misiliinermi qanoq anguniagassat siunertallu anguneqarnissaannut sinaakkusiissaaq. PI/SPS suliffimmi misiliinerup ingerlanerani suut anguniagassat siunertallu anguneqarnissaannut sinaakkusiissalluni.

Akisussaaffeqarfiit assigiinngitsut ataani saqqummiunneqarput.

5.1 Suliffimmi misiliisoq

Ilinniartitsisullu semesterit siulliup aamma semesterit sisamaata naaneranni suliffimmi misiliinissaq ilaatinneqarpoq sapaatit akunnerini marlunni suliffimmi misiliinissamut piareersarfiussammat. Suliffimmi misiliisussap ilaatigut anguniagassatut oqaasertaliussat suliarissavaa allattariarsornikkullu imminut ilisaritissalluni, taanna suliffimmi misiliinermi aqcutissiuisumut nassiunneqassaaq.

Suliffimmi misiliinerup aallartinnginnerani suliffimmi misiliisussap paaqqinnittarfik misiliiffiusussaq attaveqarfigissavaa ajornanngippallu pulaassallugu, tamanna oqarasuaatikku it imaluunniit mailikkut pisinnaavoq. Tassunga atatillugu suliffimmi misiliinerup aallartinnissaa, takkuffissaq il.il. isumaqatigiissutigineqassapput.

Suliffimmi misiliisoq suliffimmi misiliinerup ingerlanerani perorsaanermit suleqatigiillu suleqatigiinneranni ilaassaaq. Tamatumunnga peqatigitillugu suliffimmi misiliisup

nammineq suliassat suliffimmi misiliinermut atasut ilikkariartorfigissavai aaqqissuutissallugillu. Tamanna aamma atuuppoq ilanngussanut suliffimmi misiliinerup ingerlanerani immersorneqartussanut PI/SPS-imullu nassiunneqartussanut tunngatillugu.

Suliffimmi misiliisup ulluinnarni perorsaanermik sulinermi aallarniisarlunilu aaqqissuussaasumik naapinnissanut aaqqissuussisassaaq. Tassa imaappoq ullormut oqaluuserisassanik siunnersuuteqartassaaq, alaatsinaassimasat pillugit allattorsimasani saqqummiuttassallugit, suliambut tunngasunik atuakkanik ingerlatitseqqisassalluni anguniagassatullu oqaasertaliussanut uiggiullugu perorsaanermik sulineq pillugu oqaloqatigiissutigisassanik siunnersuuteqartassalluni. Takuuk aamma ‘Suliffimmi misiliinerup ingerlanerata nalaani’ (takuuk kapitali 6.3).

5.1.1 Suliffimmi misiliinerup ingerlanera suliassaqarfiit assigiinnigitsut sungiusarneri

Suliffimmi misiliinissanut piareersarnermut atatillugu ilinniartoq anguniagassani oqaasertaliussavai: ukunani anguniagassat marlukkaat, 1) inuttut anguniagassat, 2) iliuusissatut anguniagassat aamma 3) ilisimaligassatut anguniagassat. Anguniagassat taakku katillugit arfiniliusut aqutugalugit makku sungiusarnerisigut anguniagassani anguniassavai:

- Paaqqinnittarfimmi misiliiffiusumi sammisassaqtitsinermik pilersaarusionerq, ingerlatsineq naliliinerlu.
- Suliniarfigisat peqatigalugit perorsaanermik sulineq, taasarpagut, iliuuseqarfigisat
- Suliffimmi misiliinermi alaatsinaassinnaanermik sungiusarnerq uppersaasarsuinerlu
- Nammineq takusat perorsaanermilu sulineq pillugit allaaserinninneq eqqarsaatiginninnerlu
- Alaatsinaassimasanik eqqarsaatigisimasannillu aqutissiuisumut ingerlatitseqqiineq – oqaatsitigut allattariarsornikkullu
- Atuagarsornermit ilisimasat atorlugit perorsaanermik sulinermi nammineq eqqarsaatigisimasanik ilaatitsineq.
- Inatsisartut inatsisaat peqqussutaallu tunngavigalugit sulinermi pineqartumi perorsaanermi iliuusissatut siunnersuutit
- Suliffimmi misiliinermi suliassami alaatsinaassimasanik suliamalla tunngasunik atuakkanik atuineq.

5.1.2 Suliffimmi misiliisup ilanngussanik akisussaaffeqarnera

- Sulinermi, aaqqissuussamik naapinnermi ilinniakkerinermilu tiiminik allattuineq
- Piffissap affaata nalaani naliliineq immersorlugu
- Piffissap naalernerani naliliineq immersorlugu

5.2 Suliffimmi misiliinermi aqutissiuisoq

Suliffimmi misiliisup paaqqinnittarfik misiliiffiusoq piffissami suliffimmi misiliiffiusumi ilinniartuunngaa, perorsaanermik sulinermi eqqarsaatiginninnermut ilaatinneqarlutik

atuakkat suliamut tunngasut perorsaannermilu periaatsit. Taamaattumik paaqqinnittarfimmi misiliiffiusumi suliffimmi misiliinermi aqutissiuisoq suliffimmi misiliisup ilikkariartorneranut, misilittagaanut eqqarsaatiginninneranullu qitiuvoq qitiusumillu suleqatigisassaralugu. Tamatuma takutippaa paaqqinnittarfik misiliiffiusoq seminarialu ilinniarfiusut tamarmik immikkut imminnut pinngitsoorsinnaangitsut. Seminariami atuagarsornermi ilisimasat sulinermi atornerqartarput, suliffimmilu misiliineq misilittagaqalissutaasartoq PI/SPS-imi ilinniartitsinermi ilaatinneqartarluni.

Suliffimmi misiliinermi aqutissiuisoq suliffimmi misiliinerup ingerlanerani taamaallaat suliatigut aqutissiuisuvoq siunersioqatigineqartartuullunilu taamaalilluni pissutsinut suliffimmi misiliisup namminerisaminik inuuneqarneranut ajornartorsiutaanulluunniit akisussaasuunani. Takuuk aamma 'Piffissami suliffimmi misiliinerup nalaani seminariamut atassuteqarneq' (Takuuk kapitali 7.1.5).

Suliffimmi misiliinermi aqutissiuisoq pissutsit immikkut ittut pissutigalugit suliffimmi misiliisoq ernummatigiguniuk (assersuutigalugu napparsimaneq, peqanngittarneq il.il.) imaluunniit suliffimmi misiliisup suliffimmi misiliinermi naammassinnissinnaanera akuerineqarsinnaaneraluunniit nalornissutigiguniuk, suliffimmi misiliinermi ilinniartitsisoq piaarnerpaamik attaveqarfigissavaa.

5.2.1 Suliffimmi misiliinermi aqutissiuisup suliffimmi misiliinermi isumagissavai

- Suliffimmi misiliinerup nalaani sapaatit akunneranut 2 tiiminik aaqqissuussaasumik naapittarnissamik neqeroorfigissallugu, piffissani taakkunani suliffimmi misiliinermi aqutissiuisoq suliffimmilu misiliisoq allamik suliaqassanngillat - assersuutigalugu meeqqanut imaluunniit atuisunut akisussaaffeqassanatik.
- Suliffimmi misiliisoq suleqatigalugu suliffimmi misiliinermi anguniagassatut oqaasertaliussat malinneqarnissaasa eqqortinneqarnissaat
- Suliffimmi misiliisoq suleqatigalugu suliffimmi misiliinermi anguniagassatut oqaasertaliussanik suliaqartissallugu, akuerissallugit misiliisullu anguniagassatut oqaasertaliussaminik eqqortitsinissaanik tapersersussallugu
- Suliffimmi misiliisoq aqutissiuissallugu, namminersorlunilu perorsaannermi sulinissaanik suleqatinullu tamanut ataveqarnissaanik periarfississallugu.
- Suliffimmi misiliisoq ataatsimiinnernut attuumassuteqarsinnaasunut peqataanissaa eqqarsaatigalugu aggersartassallugu.
- Ajornartorsiutaasinnaasut suliarineqarnissaat qulakkiissallugu, taamaalilluni suliffimmi misiliisoq ajornartorsiutinut pinngortunut iliuuseqarnissamut, eqqarsaatiginninnissamut isummernissamullu sungiusassallugu.
- Suliffimmi misiliisoq suleqatigalugu aaqqissuussaasumik naapittarnerit nalilersuinerillu piareersartassallugit ingerlattassallugillu
- Suliffimmi misiliisup suliffimmi misiliinermi allattariarsornikkut suliassanut tunngatillugu sammisamik toqqaaniarneranik siunnersussallugu.
- Suliffimmi misiliisup takkuttarnerminik nalunaarsugaanik sapaatit akunnerit sisamakkaartumik atsiortassalluni.

- Suliffimmi misiliinermi ilinniartitsisup 2/3-imi ataatsimiinnissamut atatillugu pulaarnissaanut suliffimmi misiliisup nalilersorneranut akisussaaffigissallugu
- Suliffimmi misiliisup takkuttarnerminik nalunaarsugai sapaatip akunneri sisamakkaarlugit atsiortassallugit
- Suliffimmi misiliisup anguniakkaminik angusisinnaanera qularineqarluni eqqarsarnartoqarpat 2/3-imi ataatsimiinnissamut allakkatigut suliffimmi misiliisumut anguniagassatut oqaasertaliussat tunngavigalugit ingerlaqqinnissamut iliuusissatut pilersaarususalluni, iliuusissatullu pilersaarut suliffimmi misiliisumit, suliffimmi misiliinermi aqcutissiuusumit suliffimmilu misiliinermi ilinniartitsisumit atsiortissallugit.
- Naggataatigullu suliffimmi misiliisup suliffimmik misiliineranut akuersinermut / akuersinnginnermut, suliffimmilu misiliinerup naliliivigineqarneranut immersorsimasat seminariamut nassiutissallugit.
- Suliffimmi misiliinerup akuerineqarnissaa nalornissutigineqalerpat suliffimmi misiliinermi ilinniartitsisoq attaveqarfigissallugu.
- Suliffimmi misiliinermi sinaakkutit atugassarititaasullu nalornissutigineqalerpata suliffimmi misiliinermi ilinniartitsisoq attaveqarfigissallugu.

5.2.2 Suliffimmi misiliinermi aqcutissiuusup ilanngussat akisussaaffii

- Aaqqissuussaasumik naapittarnerni sammisat suut oqaluuserineqarnersut pillugit suliffimmi misiliinerup ingerlanerata naareernerani nalunaarutigissallugit.
- Suliffimmi misiliinermik akuersinerugallartumik piffissap affaata nalaani naliliineq immersussallugu
- Piffissap naalernerani naliliineq immersussallugu, matumani akuersinermut skema ilanngullugu

5.3 Suliffimmi misiliinermi ilinniartitsisoq

Suliffimmi misiliinermi ilinniartitsisup suliffimmi misiliinerup aallartinnginnerani ilinniartut suliffimmi misiliinissaanut piareersarnissaat aaqqissuutissavai. Suliffimmi misiliineq pillugu quppersagaq aallaavigalugu paaqqinnittarfimmi misiliiffiusumi sulinissamut aallarnisaatitut suliffimmi misiliisussat namminneq inissisimaffitik suliffimmilu misiliinermi anguniagassatut oqaasertaliussatik suliarissavaat.

5.3.1 Suliffimmi misiliinermi ilinniartitsisoq piffissap ingerlanerani

- Anguniagassatut oqaasertaliussat nassiunneqarsimasut uppernarsassavai, toqqussavaa kingusinnerusukkullu suliffimmut misiliiffiusumut pulaarnermi atussallugit
- Qaammatip 1 missaata qaangiunnerani killiffik pillugu oqaloqatigiinnissaq pillugu suliffimmi misiliinermi aqcutissiuusup sianerfigissallugu
- Suliffimmi misiliisumit suliffimmilu misiliinermi aqcutissiuusumit apeqcutit suliffimmi misiliinermit attuumassuteqartut piareersimaffigissallugit
- Suliffimmi misiliinerup 2/3-ia nallertinnagu pulaarnermut atatillugu suliffimmi misiliinerup piffissap affaata nalaani naliliinermit peqataassaaq. Tassani

suliffimmi misiliinerup sinnerani anguniagassat suussusilerneqassallutik.

- Oqaluuserisassat, suliffimmi misiliisup suliffimmi misiliinerup aqqutissiuisup suliffimmi misiliinerup piffissap affaata nalaani naliliinerat, matumani kingullertut taaneqartup piffissap affaata nalaani akuersinerugallartumik naliliinera ilanngullugu suliffimmi misiliinerup ilinniartitsisup tigusimasani iluaqutigalugit pulaarnissamut piareersassaaq.
- Suliffimmi misiliinerup (siullermi) allattariarsornermi suliassamik misiliisooq ilitersorlugu nalinginnaasumillu suliffimmi misiliinera akuerisaasutut / akuerisaanngitsutut nalilerlugu, immikkullu ilinniagaqarluni suliffimmi misiliinerup (aappaani) karakteriliissalluni.

5.3.2 Suliffimmi misileereernerup kingorna suliffimmi misiliinerup ilinniartitsisup isumagissavai

Ilinniartut suliffimmi misileereernerup eqikkaanerup aqqissuutissallugit. Suliffimmi misileereernerup eqikkaanerup siunertaavoq, ilinniartup:

- Suliffimmi misiliiffimmi perorsaanerup misilittakkaminik oqaasertaliinissaa sulinerup kinaassusertik ineriartortissallugu.
- Anguniagassatut oqaasertaliussamik suliaqarsimaneranik naliliivigissallugu
- Pissutsit atuagarsornermut sulinerup tunngasut eqqarsaatigissallugit
- Suliffimmi misiliinerup suliassamik suliarinninnerup misilittakkanik oqaloqatiginninneq eqikkaanerlu.

Kapitel 6: Suliffimmi misiliinerup ingerlanera suliassallu aalajangersimasut

Suliffimmi misiliinerup ingerlanera pillugu immikkoortumi uani suliffimmi misiliisup, suliffimmi misiliinermi aqutissiuisup suliffimmilu misiliinermi ilinniartitsisup suliassaat assigiinngitsut ersarissarneqarput suliffimmi misiliinerup akuerineqartut akuerineqanngitsutullu nalilerneqarnissaa siunertaralugu. Takuuk aamma “Suliffimmi misiliinerup piffissalersugaanera”, taanna suliffimmi misiliisup USB-stikkimiitillugu nassagassaraa.

Suliffimmi misiliisup suliffimmi misiliinermi annertunerpaamik pissarsiaqarsinnaaqullugu paaqqinnittarfiup misiliiffiusup, ilinniartarfiup suliffimmilu misiliisup akornanni suleqatigiinneq qitiuvoq. Suleqatigiinneq suliffimmi misiliinermi ataqatigiissaarisumit suliffimmilu misiliinermi ilinniartitsisumit ataqatigiissaarneqarpoq.

6.1 Paaqqinnittarfik suliffimmi misiliiffissap akuerineqarnera

Paaqqinnittarfik suliffimmi misiliiffissatut akuerineqassaguni perorsaasumik, suliffimmi misiliinermi aqutissiuisutut sulisinnaasumik neqerooruteqarsinnaasariaqarpoq. Perorsaasoq taanna aallaavittut suliffimmi misiliinermi aqutissiuisutut pikkorissarsimasariaqarpoq.

Paaqqinnittarfik suliffimmi misiliiffioreersoq misiliiffissarluunniit skemamik immersuissaaq, taanna aqutigalugu PI/SPS-imi suliffimmi misiliinermi ataqatigiissaarisuusooq paaqqinnittarfik pillugu paasissutissanik attuumassuteqartunik katersissaaq. Tamatuma kingornatigut suliffimmi misiliinermi ataqatigiissaarisup imaluunniit suliffimmi misiliineq pillugu ataatsimiititaliap PI/SPS-imi aqutsisoqatigiit suleqatigalugit paaqqinnittarfiit akuerissavaat / akuerissanngilaat.

PI/SPS-ip paaqqinnittarfiit misiliiffissatut akuerisimasat pillugit kartotekia suliffimmi misiliinermi ataqatigiissaarisumit ingerlaavartumik nutarterneqartarpoq. Paaqqinnittarfiup kissaatiguniuk suliffimmi misiliiffittut akuerineqarusulluni, paaqqinnittarfik qinnuigineqassaaq PI/SPS-imi suliffimmi misiliinermi ataqatigiissaarisuusumut saaffiginneqqullugu.

Suliffimmi misiliinerup aallartinissaa qaammatinik marlunnik sioqqullugu paaqqinnittarfiit misiliiffiusussat nalinginnaasumik suliffimmi misiliinermut immikkullu ilinniagaqarluni suliffimmi misiliinermut tunngatillugu ilinniartooq sorleq ilinniartuutigineqassanersoq nalunaarfigineqassapput. Tassunga atatillugu suliffimmi misiliinissaq pillugu isumaqatigiissut suliarineqassaaq, taannalu paaqqinnittarfimmuut suliffimmi misiliiffissamut nassiunneqarluni.

6.2 Suliffimmi misiliinerup aallartinnginnerani

Suliffimmi misiliinerup aallartinnginnerani ilinniartut sapaatit akunnerini marlunni suliffimmi misiliinissaq ingerlanissaanut piareersateqassapput. Piareersarnermi ilinniartut:

- Anguniagassatut oqaasertaliussamut missingiut suliarineqassaaq, paaqqinnittarfimmullu misiliiffissamut nassiullugu
- Paaqqinnittarfimmi suliffimmi misiliiffigisassami suliniarfigisassanut imminnut ilisaritinnertik suliaralugu
- Suliffimmi misiliinermi sinaakkutit atugassarititaasut, ilanngussat suliffimmilu misiliisup suliffimmi misiliinerup ingerlanerani suliassai saqqummiunneqassallutik.

Ilinniartup, suliffimmi misiliinissamut piareersarnerani, suliffimmi misiliinermi aqutissiuissaminik seminariami naapitsinissaa anguniartariaqarpoq.

Suliffimmi misiliinissamut piareersanermi siunertaavoq ilinniartup:

- Suliffimmi misiliisussap piffissat suliffiusut aamma piffissap ingerlanerani suliassat eqqarsaatigalugit nammineq inissisimaffimminik pingaarnerusutigut paasinnissasoq – matumani tunniussinernut piffissaliussat, aaqqissuussaasumik naapittarnerit, piffissat ilinniarnermut atorineqartut ilaalu ilanngullugit.
- Suliffimmi misiliineq pillugu quppersakkamik suliffimmilu misiliinissamut isumaqatigiissutip imaanik ilisimasaqarfigisagai
- Anguniagassatut oqaasertaliussaagallartut suliaralugit paaqqinnittarfimmullu misiliiffissamut nassiullugit
- Piffissat ilinniarnermut atugassani sapaatit akunneranut 10 tiimiusut pilersarusiussavai atuakkanut allattorsimaffik ilanngullugu. Atuakkat pissarsiarineqassapput suliffimmilu misiliinermut nassarneqassallutik.
- Paaqqinnittarfimmi suliniarfigisassanut nassatassaminik allattariarsornikkut immiut ilisaritinnissani suliarissavaa.
- Ilinniarnermi allattaavissani pilersissavaa suliaminut mappitalersorlugu.
- USB-stikkip imassai piareersarlugit taakku aamma suliffimmi misiliinermi aqutissiuissumut tunniunneqartussat ilinniartup nammineq pigissavai.

6.2.1 Anguniagassatut oqaasertaliussat

Anguniagassatut oqaasertaliussat suliffimmi misiliisup sakkussarai ilikkagassatut anguniakkaminik pingaarnersiunermini, piffissallu ingerlanerani ilikkariartornermi aqunnissaanut tunaartarisassaralugit. Suliffimmi misiliinermi ilinniartitsisoq suliffimmi misiliisussap anguniagassatut oqaasertaliussat suliffimmi misiliinissamut piareersarneranut atatillugu suliarineranni ilitersuisuussaaq. Anguniagassat paaqqinnittarfimmut misiliiffissamut, tassalu suliffimmi misiliinermi aqutissiuissumut nassiunneqassapput.

Aaqqissuussaasumik naapinnermut siullermut atatillugu suliffimmi misiliinermi aqutissiuissup nalilissavaa, anguniagassatut oqaasertaliussat paaqqinnittarfimmi suliffimmi misiliiffiusumi suliniarfigineqartunut suliassanullu naleqquttuunersut, imaluunniit naleqqussaqqinneqartariaqarnersut. Suliffimmi misiliisoq aqutissiuissavaa marluullutik akuerisinnaasaminnik anguniakkaminik nutarsaasinnaaqqullugu tamatumalu kingornatigut anguniagassatut oqaasertaliussat suliffimmi misiliinermi ilinniartitsisumut nassiullugit. Anguniagassatut oqaasertaliussat ilaatigut sulinermi

suleqatigiinnermut tunngaviussapput ilaatigullu suliffimmi misiliinermik naliliinermi tunngavigineqassallutik. Taamaattumik anguniagassatut oqaasertaliussat suliffimmilu misiliinermi ilinniartitsisumut taassumunnga aamma akuerisassanngorlugit nassiunneqarnissaat pingaaruteqarpoq.

Anguniagassatut oqaasertaliussat aallaavigaat piumasaqaataanera suliffimmilu misiliisumit kissaatigineqarnera:

- Pineqartup ilinniarnernata ingerlarnga, siusinnerusukkullu suliffimmi misiliinerit misilittagai attuumassuteqarsinnaasut
- Inuttut sulinikkullu piginnaanerit, suliffimmi misiliinerup nalaani perorsaanermi misilerarneqarsinnaasut

Aamma

- Paaqqinnittarfik misiliiffik suliniarfigisallu, kiisalu suliffimmi misiliinermut isumaqatigiissut
- Ilinniarnermi piumasaqaatit suliffimmi misiliineq pillugu quppersakkami allaaserineqartut

6.2.2 Anguniagassatut oqaasertaliussat imai

Anguniagassatut oqaasertaliussat sulinikkut anguniagassanik marlunnik imaqassapput, uku pingasut iluanni suussusilersorneqarsimasunik:

- Ilisimasassatut anguniagassat: Suliniarfigisat, paaqqinnittarfiup qanoq ittuussusaa pillugu aamma perorsaaneq pillugu atuakkat.
- Iliuusissatut anguniagassat: Perorsaanermi sammisassaqartitsinermik pilersarusiorneq, ingerlatsineq naliliinerlu.
- Inuttut anguniagassat: Nammineq sulisutut kinaassutsip ineriartortinnissaa siunertaralugu.

Suliffimmi misiliisup anguniakkani tamaasa immikkut erseqqissassavai, tunngavilersorlugit periaatsillu toqqakkani nalunaarlugit. Tamanna isumaqarpoq anguniagassani tamani makku taaneqassasut:

- Anguniagassami uani suliffimmi misiliisup suna anguniarpaa? – anguniagassap iluatsinnissaanut uuttuutilernera
- Sooq anguniagassaq taanna angorusuppaa? – anguniagassap suliamut attuumassuteqarneranik tunngavilersuineq
- Anguniagaq taanna qanoq ililluni anguniarpaa? – anguniagassap anguniarneranut periaatsit nalunaarlugit.

Anguniagassatut oqaasertaliussat suliarinerannut najoqqutassaqarpoq, suliffimmi misiliisup suliffimmi misiliinissamut piareersarnermini immersugassaanik.

6.2.3 Anguniagassatut oqaasertaliussat suliarinerani piffissaliussat

- Anguniagassatut oqaasertaliussanut missingiut sulinermi misiliinerup aallartinnginnerani sulinermi misiliinermi aqutissiuisumut nassiunneqassaaq – tassalu sulinermi misiliinissamut piareersarfiup naangajalernerani.

- Anguniagassatut oqaasertaliussat suliareqqinnera pissaaq suliffimmi misiliiffiusumi suliffimmi misiliinermi aqutissiuusup suleqatigineratigut
- Anguniagassatut oqaasertaliussat suliffimmi misiliisumit suliffimmilu misiliinermi aqutissiuusumit akuerineqareeriarpata, suliffimmi misiliinermi ilinniartitsisumut suliffimmi misiliinerup aallartinneranit kingusinnerpaamik sapaatit akunneri marluk qaangiutsinnagit nassiunneqassaaq.
- Anguniagassatut oqaasertaliussat suliffimmi misiliinermi ilinniartitsisumit uppersarsarneqassapput imaluunniit naqqitassartaqarsimappata suliffimmi misiliisumut nassiutissallugit.
- Anguniagassatut oqaasertaliussat aqqissuussaasumik naapittarnerni tamatigut ilaatinneqartassapput.
- Anguniagassatut oqaasertaliussat nalilersuinernut atatillugu atorineqassapput, matumani suliffimmi misiliinerup 2/3-iata ingerlanera nallertinnagu suliffimmut misiliiffimmut pulaarneq ilanngullugu
- Suliffimmi misiliinermi aqutissiuusup anguniagassatut oqaasertaliussat aallaavigalugit suliffimmi misiliisup, suliffimmi misiliineranik akuersinissaanut aalajangiisuulluinnarput.

6.3 Suliffimmi misiliinerup ingerlanerata nalaani

Suliffimmi misiliisoq piffissami suliffimmi misiliiffimmi – Takuuk aamma “Suliffimmi misiliinermi piffissaliussat”:

- Suliffimmi misiliinermi anguniagassatut oqaasertaliussani naammassissallugit, suliffimmilu misiliinermi aqutissiuusumit akuerineqartissallugit kingusinnerpaamik suliffimmi misiliinerup aallartinneranit sapaatit akunneri marluk qaangiutsinnagit suliffimmilu misiliinermi ilinniartitsisumut nassiutissallugit.
- Ilinniarnermi allattaavimminut perorsaasermik sulinini sulinerlu pillugu eqqarsaatini uppersarsasersussallugit.
- Suliffimmi misiliinermi aqutissiuusup suleqatigalugu skema atorlugu (ilanngussaq) suliffimmi misiliinermi piffissap affaata nalaani naliliinissaq piareersassallugu. Misiliinermi piffissap affaata nalaani naliliinissamut ilanngussat tamatuma kingornatigut paaqqinnittarimmut suliffimmi misiliiffiusumut pulaarnissaq sioqqullugu suliffimmi misiliinermi ilinniartitsisumut nassiunneqassapput.
- Suliffimmi misiliinerup 2/3-iata qaangiutinnginnerani suliffimmi misiliinermi ilinniartitsisup pulaarnissaanut piareersaneq pulaarnerlu
- Suliffimmi misiliinerup naammassinissaa sapaatit akunerinik marlunnik sioqqullugu suliffimmi misiliinermi allattariarsorluni suliassap allannera tunniunneralu
- Suliffimmi misiliinermi aqutissiuusup peqatigalugu skema atorlugu (ilanngussaq) piffissap naalernerani naliliinissamut piareersarneq naliliinerlu. Piffissap naalernerani naliliineq ilanngussatut tamatuma kingornatigut suliffimmi misiliinermi ilinniartitsisumut nassiunneqassaaq.

6.3.1 Ilinniartup allattaavia

Suliffimmi misiliisup perorsaanermik sulinini sulininilu pillugu eqqarsaatini uppersaasersussavai; ilinniartup allattaavini atorlugu uppersaasersuissaaq. Ilinniartup allattaavia USB-stikkimi mappit arlaqartut ilagaat (suliffimmi misiliineq pillugu paasissutissat, suliffimmi misiliinermi suliassamut ilitsersuutit aamma APA-mi assigiissaarineq, ilanngussat saniatigut).

Ilinniartup allattaavia suliffimmi misiliisup takusaanik suliffimmilu misiliinerup ingerlanera pillugu eqqarsaatinik, perorsaanermik sulinermi pissutsit pillugit eqqarsaatinik, nammineq allallu perorsaanermik sulinerrannik eqqarsaatiginninnermik aamma ataatsimiinnernit allagaatitut katersanik kiisalu atuakkat allattorsimaffiannik imaqarpoq.

Ilinniartup allattaaveqarnerani siunertaasoq

- Suliffimmi misiliisumut sakkussaavoq ilikkariartornerminik ilisimasaqalersitsiartortussaq
- Eqqarsaatigisassatut takusimasanik ilisimasassanillu aamma uppersaatinik katersineq
- Uppersaatatit katersorsimasanik allattariarsorluni suliassami atuineq

Ilinniartup allattaaviata imai:

Ilinniartup allattaaviani ilikkariartornissamut eqqarsaatiginninnissamut assigiinngitsunik sakkusaqarpoq suliffimmi misiliisup atorsinnaasaanik. Sakkussat taakku mappini assigiinngitsuniippot, USB-stikkimut immiunneqarsimasut. Ilinniartup allattaavia taamaallaat suliffimmi misiliisumit atorneqartussaanaera ilisimassallugu pingaaruteqarpoq, allanik avitseqateqarnissamik aalajangersimanngikkuni. Takuuk aamma 'USB-stikki'-mi agguataarineq (takuuk kapitali 2.3.1).

Ilinniartup allattaaviani makku sakkusaapput:

Allattaavik

Allattaavik suliffimmi misiliinermut atatillugu misigisanik misilittakkanillu, eqqarsaatinik misigissutsinillu eqqarsaatiginninnissamut sakkussaavoq; immaqa aamma ilikkagaqarnissamut. Allattaaviup imai ulluinnarni suliffimmi allattuiffittut isigineqassaaq, suliffimmi misiliisoq misigisanik misilittakkanillu, eqqarsaatinik misigissutsinillu - tullerriiarisumik - perorsaanermik sulineq sioqqullugu, pinerani kingornalu. Allattaaviup imai tassaasinnaapput takusat, eqqumiigisat, perorsaanermik sammisaqartitsinermik pilersaarusionerq - ingerlatsineq naliliinerlu pillugit nammineq eqqarsaatit, issuaanerit, isumaqatigiissutit il.il.

Pisunik allaaserinninnerit siulliat

Pisumik allaaserinninnerit siulliat allattaavimmi allaaserineqartunit pisunik aaqqissuussaanagerusumik uppersaasersuinermit sakkussaavoq. Sakkussap suliffimmi misiliisoq alaatsinaannermik sungiusarneranik ikiussavaa kiisalu pisut pillugit allaaserisanik katersaqalernissaanik.

Periaaseq atorneqartoq tassaavoq suliffimmi misiliisoq pisumik toqqaassaaq, allattaavimmini allassimasaminik - taannalu 'Pisumik allaaserinninneq siulleq'-mik

allassallugu. Suliffimmi misiliisup aalajangissavaa, sakkoq taanna iluaqutigalugu pisimasut qassit allaasererusunnerlugit.

Pisunik allaaserinninnerit aappaat

Pisunik allaaserinninnerit aappaat siullermut sanilliullugu sakkuuvoq assigiinngisitaarnerusumik atorneqarsinnaasoq. Suliffimmi misiliisup soorlu siullermisut pisumik toqqaassaaq, misissuinissarli, paasinninnissaaq, naliliineq oqaloqatigiissutiginninnerlu siunertaralugu suliarissallugu. Suliffimmi misiliisoq allaaserisat, eqqarsaatiginninneq inooqatigiinnilu pisut pillugit atuagarsornermi sammivilersuineq, nalilersuinermi perorsaanermilu iliuusissanik isumaliuteqarnermi atorneqarsinnaasut, perorsaanermi sulinerup aqqissuussaasumik ineriartortitsinissamik ammaasut aqutigalugit ilisimasaqalernissamut, paasisimasaqalernissamut paasinninnissamullu tunngavissaqalissaaq.

Pisunik allaaserinninnerit aappaat suliffimmi misiliisup suliffimmi misiliinerup ingerlanerani minnerpaamik 3-riarluni suliarissavaa.

Ileqqorissaarneq pillugu eqqarsaatit

Ileqqorissaarneq pillugu eqqarsaatit sakkuuvoq, tassani pineqarluni suliffimmi misiliisoq perorsaanermik sulinermi ileqqorissaarnikkut akunnattoorfinnik pinngortunik eqqarsaatiginnissinnaalernissaa. Eqqarsaatiginninnikkut tassuuna suliffimmi misiliisup pisut oqaaseqatigiiliornertigut allanneratigullu ileqqorissaarnikkut akunnattoorfik misigisani ersarissisissinnaammagu. Suliffimmi misiliisup tulliullugu akerleriinnermi naleqartitat suut saqqummernersut misissussavai. Taamatut suliaqarnikkut suliffimmi misiliisup immikkoortitsisinnaanerani ikiyeqassaaq.

Suliffimmi misiliisup sakkoq taanna atorlugu ileqqorissaarnikkut akunnattoorfittut pisut qassit allaaserissanerlugit aalajangissavaa.

Atuakkat allattorsimaffiat

Atuakkat allattorsimaffiat ilinniartup allattaavianiittoq sakkuuvoq suliffimmi misiliisup atuakkanik atuarsimasaanik tamakkiisumik takunnissinnaalersitsisoq. Allattorsimaffik aqqissuussaasumik naapinnermi, suliaassanik allannermi, suliffimmi misiliinermik eqikkaanermi ilinniarnerrullu nalaani allanut tunngassutilinni iluaqutaasumik atorneqarsinnaavoq.

Sakkumi allakkap immikkoortitikkap imarai atuakkat qanga atuarneqarsimanersut nalunaarsorsimaffiat, sunik imaqarnersut atuakkamilu oqaatsit qitiusut nammineq immersorneqarsinnaasut.

Allakkap saniatigut allagaq ikiuutaasoq, APA-mi assigiissaarineq aallaavigalugu assersuutunik imalik. Suliffimmi misiliisup iluaqutigissavaa atuakkat allattorsimaffiata assinganik issuaanerit pitsaasut allattorunigit.

Ataatsimiinnernit allagaatit

Ataatsimiinnernit allagaatit tassaapput oqaluuserisassanut imaqarnilianullu missingiutit, piareersaasioq taanna aqutigalugu suliffimmi misiliisup aqqissuussaasumik naapittarnerit uppersaasorsortassavai. Ilinniartup suliffimmi misiliinerup ingerlanerani oqaluuserisassat imaqarniliallu aqqissuunnissaannut missingiutit

iluaqutigissavai.

Suliffimmi misiliisup aaqqissuussaasumik naapinnernut tamanut ullormut oqaluuserisassat imaqarnialillu suliarisassavai.

Missingiutit saniatigut 'Aaqqissuussaasumik naapinnissamut piareersaasiortarneq (assersuutitalit) atussavai, taanna allagaat missingiutit qanoq atorneqarsinnaaneritut najoqutassiaavoq. Ullormut oqaluuserisassani immikkoortut ilaasa qanoq ingerlanneqarsinnaanerannut ilitersuuteqarpoq.

6.3.2 Ilinniartup allattaavianik ineriartortitsineq

Maluginiaqquneqarpoq ilinniartup allattaaviata imai ilaartorneqarsinnaammata, annikillisinneqarlutik imaluunniit taakku ineriartortinneqarneranni allannngortinneqarlutik, tassa misilittakkat nalilersuisarnerillu tunngavigalugit. Taamaattoqassappat tamanna suliffimmi misiliisussanut suliffimmilu misiliinermi aqutissiuissussanut paasisutissiissutigineqassaaq; tamakku suliffimmi misiliineq pillugu quppersakkami suli naleqqussarneqarsimanngippata.

6.4 Aaqqissuussaasumik naapittarnerit

Suliffimmi misiliinermi aqutissiuissup aqutsisut sulisullu allat suleqatigalugit suliassaraa - paaqqinnittarfimmi sulineq imatut aaqqissuutissavaat aaqqissuussaasumik naapittarnerit ingerlanneqarnissaannut piffissaqarfigineqartissallugit. Suliffimmi misiliisoq eqaatsuunerminik takutitsisariaqarpoq aaqqissuussaasumik naapittarnerit ingerlanneqarnissaannut tunngatillugu.

Suliffimmi misiliinermi aqutissiuisoq suliffimmilu misiliisoq aaqqissuussaasumik naapittarneq ataatsimoorlutik suliassaraat, suliffimmi misiliisup sulinermut tunngatillugu ilikkariartornera ineriartorneralu matumani isiginiarneqarlutik. Tassani pingaartumik sulinermut tunngatillugu eqqarsaatiginninneq, atuakkanik atuagassianillu suliamut tunngasunik ikorfartorneqarpoq. Aamma tassani perorsaanermik sulinermut tunngatillugu inuiaqatigiit ineriartornerat aamma politikikkut suliniutinut ataneqartillugu. Aaqqissuussaasumik naapittarnerit aamma atorneqassapput suliffimmi misiliisup sammisaminut, anguniagassatut oqaasertaliussanit aallaaveqartunit, pilersaarusiorderneranut nalilersuineranullu. Pilersaarutit allanneqarsinnaapput sulisunullu ingerlateqqinneqarlutik, taamaalillutik suliffimmi misiliisup sulineranik paasisimasaqalissapput suliffimmilu misiliisup aallarnisaasarnerani tapersorsinnaassallugu.

Aaqqissuussaasumik naapittarnerni anguniagaavoq piffissat suliffiusut aalajangersimasuunissaat, suliffimmi misiliinermi aqutissiuissup suliffimmi misiliisoq siunersioqatigisarnissaanik tamakkiisumik aallussisinnaanissaa. Suliffimmi misiliinermi suliassat aalajangersareersimasut saniatigut immikkoortumik oqaluuserisassaqaassaaq 'kingullermernit', suliffimmi misiliisoq sulinermut tunngatillugu utertitsiffigineqarnissaminut naliliinissaminullu periarfissaqassalluni kiisalu sulinermini suliniarfigisat suleqatinilluunniit suleqatiginnineq eqqarsaatigalugit unamminiagassanik pinngortoqarsimatillugu siunersioqatigiinnissaaq periarfissaassalluni.

6.4.1 Aaqqissuussaasumik naapittarnerni oqaluuserisassat imaqarniliallu

Aaqqissuussaasumik naapittarnerit uppersaasersornissaat pingaaruteqarpoq kingusinnerusukkut atorneqarsinnaammata assersuutigalugu suliassap allannerani, tiimit aaqqissuussaasumik naapinnerni atorneqartut nalunaarutigineqarneranni imaluunniit suliffimmi misiliineq pillugu eqikkaanermi. Taamaattumik suliffimmi misiliisoq aaqqissuussaasumik naapittarnernut tamanut ullormut oqaluuserisassanik suliaqartassaq suliffimmilu misiliinermi aqutissiuusup immikkoortunik immersueqataaffigisinnaasaanik. Ullormut oqaluuserisassakkut piffissap sammisanut oqallisigisassanut / saqqummiussassanut allanulluunniit agguataarneqarnera qulakkeerneqarsinnaammat.

Tulliuttumi ullormut oqaluuserisassani sammineqarsinnaasunut pingaarnernut siunnersuutaapput, immikkoortullu ataaniittut oqaluusererusukkaanni oqaluuserisassatut ikkunneqarsinnaallutik. Immikkoortut qaqqeqinneqartariaqartutut isumaqarfigigaanni immikkoortut suliffimmi misiliinerup ingerlanerani qaqqeqinneqarsinnaapput. Immikkoortut tamatigut ilaasussat ITI-mik naqinneqarput, tassami tamatigut ilaatinneqarnissaat pingaaruteqarsimammat. Immikkoortunik ataani allanneqarsimangitsunik nammineq ilanngussisoqarsinnaavoq.

Ullormut oqaluuserisassatut oqaluuserineqarsinnaasutullu siunnersuutit:

Naalisaatit: Suliffimmi misiliisoq (Pra.), Suliffimmi misiliinermi aqutissiuusiq (PrV.)

Suliffimmi misiliinermi ilinniartitsisoq (PrL.) kiisalu Immikkoortut tamatigut ilaasussat

FP

Imai

Kingullermernit naatsumik

- Perorsaasermik sulineq pillugu Pra. aamma PrV.-mit oqaaseqaatit
- Sapaatit akunnerani kingullermi aallarniinerit sammisaqartitsinerillu pillugit naliliineq
- Takkuttarneq peqanngittarnerlu (immikkoortoq tamatigut ilaasussaq) *FP*
- Allat

Anguniagassatut oqaasertaliussat

- Pra.p anguniagassaminik sulinera pillugu oqaloqatiginninneq (ilisimasassatut, iliuusissatut inuttullu anguniagassat) *FP*
 - Periarfissat, unamminiagassat immaqalu anguniagassanut tunngatillugu apeqquutit pillugit Pra.p PrV.llu siunisioqatigiinnerat
 - Perorsaasermik sulinermi nutaanik aallarniutissanik pilersaarusiorneq
 - Anguniagassatut oqaasertaliussanik suliaqarnerup uppersaasersornera
 - Allat
-

Immikkoortuni pingaarnerni siulleg

- Anguniagassatut oqaasertaliussat (attuumassutillit, aaqqissuineq, akuersineq – takuuk piffissaliussat)
 - Pra.mik PrV.-millu aamma paaqqinnittarfik suliffimmi misiliiffiusumik suliniarfigisallu saqqummiunneqarnerat.
 - Perorsaanermik sulineq pillugu eqqarsaatiginninneq
 - Atuagarsorneq oqaatsillu kiisalu periaatsit atassusernerat, atuakkat atuagassiat atorlugit
 - Perorsaariaatsimut eqqarsaatigineqartumut ineriartorteqqinneqarnissaanut siunnersuutit
 - Pra. atuakkanik suliamut tunngasunik saqqummiussissaaq PrV. oqaloqatigineqassaaq sulinermi qanoq atorneqarsinnaanerit pillugu.
 - Perorsaanermik sulinermik alaatsinaanneq
 - Takusanik eqqarsaatiginninneq
 - Alaatsinaannermi aalajangersimasumi iliuuserisinnaasat allat
 - Ileqqorissaarneq pillugu eqqarsaatit
 - Uppernarsaasersuineq
 - Piffissap affaata nalaani naliliineq
 - Perorsaanermik sulinerup iluani inuiaqatigiinni ineriartorneq tassungalu atatillugu politikkikkut suliniutit
 - Perorsaanermik sulineq
 - Allat
-

Immikkoortuni pingaarnernit aappaat

- Pra. sammisani toqqakkani misigisimasani imaluunniit malugisimasani pillugu oqaluttuassaaq, tamatuma kingornatigut PrV.p utertitsivigissavaa *FP*
 - Pra. PrV.llu sammisaq ilinniarnermut tunngatillugu qanoq atorneqarsinnaanera pillugu oqaloqatigiinnerat.
-

Naggasiineq

- Tamalaat
 - Tulliani aaqqissuussaasumik naapinnissap pilersaarusernera
 - Ilanngussanik immersuineq (matumani aaqqissuussaasumik naapinnermi tiimit atorneqartut nalunaarutigineqarnerat ilanngullugit)
 - Allat
-

Suliffimmi misiliisoq sapaatit akunneri tamaasa aaqqissuussaasumik naapinnerit kingornatigut naatsumik imaqarniliortassaaq, tullianullu oqaluuserisassanik siunnersuuteqartassalluni. Imaqarniliaq kingusinnerusukkut iluaqutigineqarsinnaavoq assersuutigalugu tullissaani ullormut oqaluuserisassani, suliassamik allannermi imaluunniit suliffimmi misiliinermik eqikkaanermi.

Oqaluuserisassatut imaqarniliatullu missingiutinik mappimi ilinniartup allattaaviani

USB-stikkimiittumi pigineqarpoq. Ullormut oqaluuserisassat imaqarniallu aamma uppersaasersukkat allat suliffimmi misiliisup ilinniartup allattaavianut USB-stikkimiittumut toqqorneqassapput.

6.5 Nalilersuisarnerit

Suliffimmi misiliinerit tamakkerlugit naliliisoqartassaaq. Nalilersuisarnerit marluupput, tassalu suliffimmi misiliineri piffissap affaata nalaani naliliineq aamma piffissap naalernerani naliliineq.

Nalilersuinerni marluusuni siunertaavoq: 1) suliffimmi misiliineri piffissap affaata nalaani naliliineri aamma 2) piffissap naalernerani naliliineri, suliffimmi misiliisoq nalilissallugu, ulluinnarni perorsaanermik sulineranut aamma anguniagassatut oqaasertaliussanit anguniagaqarluni sulineranut tunngasumik. Pisunut taakkununga tapersiutitut ilanngussani immersuiffissat atorineqartussat USB-stikkimiipput.

6.5.1 Piffissap affaata nalaani naliliineq

Suliffimmi misiliineri piffissap affaata nalaani naliliineri siunertaavoq misiliinerup 2/3-iata qaangiutinnginnerani suliffimmut misiliffiusumut pulaarnissap naammassineqarnissaanut piumasaqaatip eqqortinneqarnissaa. Suliffimmi misiliisup suliffimmi misiliinerata akuerineqarsinnaanerata nalorninarqarnera pillugu suliffimmi misiliineri aqutissiisup pulaarnissaq sioqqullugu, nalaanilu oqaatigissavaa, ilaatigut piffissap affaata nalaani naliliineri skema atorlugi.

Suliffimmut misiliffimmut pulaarnissaq sioqqullugu suliffimmi misiliisoq suliffimmilu misiliineri aqutissiisup aqqissuussaasumik naapittarfiit ilaanni naliliissapput. Naapinnissartik sioqqullugu piareersaatitut tamarmik immikkut immersugassamik immersuissapput, taanna suliffimmi misiliisup sulinera pillugu piffissap affaata nalaani naliliineri skema atorineqassalluni. Suliffimmi misiliisoq immersuissaaq aamma suliffimmi misiliineri aqutissiisup suliffimmi misiliisoq pillugu piffissap affaata nalaani naliliineri immersuiffissamut immersuissalluni. Suliffimmi misiliineri naliliinerigallakkani suliffimmi misiliineri aqutissiisup suliffimmi misiliisumut suliffimmilu misiliineri ilinniartitsisumut ingerlateqqissavai. Suliffimmi misiliisup suliffimmi misiliineri akuerineqarnissaanik itigartinneqarnissaanilluunniit suliffimmi misiliineri aqutissiisup naatsorsuutai tassani ersersinneqarnissat pingaaruteqarpoq. Suliffimmut misiliffiusumut pulaarnissamut piareersaatitut ilanngussat immersorneqarsimasut (qallunaatut) suliffimmi misiliineri ilinniartitsisumut nassiunneqassapput.

6.5.2 Suliffimmut misiliffiusumut pulaarneq

PI/SPS suliffimmut misiliffimmut pulaarneq assut pingaartippaa aamma aningaasartuutit tassunga atasut. Taamaattumik naatsorsuutigineqarpoq paaqqinnittarfiup suliffimmi misiliineri ilinniartitsisumut ilanngussat eqqortumik immersorneqarsimasut sapaatit akunnera sioqqullugu nassiunneratigut piareersarnissaanut periarfississagaa.

Ataatsimiinnerup 1½ - 2 tiiminik sivissuseqarnissaa naatsorsuutigineqarpoq. Suliffimmut misiliffiusumut pulaarnissaq suliffimmi misiliineri aqutissiisup

suliffimmilu misiliinermi ilinniartitsisup isumaqatigiissutigalugu piffissalissavaat. Suliffimmi misiliinerup 2/3-ia qaangiutsinnagu ingerlanneqassaaq, tassami suliffimmut misiliiffimmut pulaarnerup kingornatigut suliffimmi misiliisup angusinissaa naatsorsuutigineqarsimanngippat, perorsaanermik sulinermi pitsanngoriartinnissaanut naammattumik piffissaqartariaqarmat.

Suliffimmi misiliinermi ilinniartitsisup ataatsimiinnissamut periareersarnerminut makku tigullugillu atussavai:

- Suliffimmi misiliinermi aqutissiuusup suliffimmi misiliinermi piffissap affaata nalaani naliliinera suliffimmi misiliinermik naliliinerugallarnerusoq
- Suliffimmi misiliisup suliffimmi misiliinermi piffissap affaata nalaani imminut nalilernerana
- Suliffimmut misiliiffiusumut pulaarnermi oqaluuserisassat
- Suliffimmi misiliinermi suliassami sammisassatut missingiut, iluaqutaassaaq ajornartorsiummik / apeqquusiinermik siunnersuuteqartoqarpat
- Suliffimmi misiliisup misiliinermi piffissat ilinniarnermut atorsimasaanik takussutissaagallartoq

6.5.2.1 Suliffimmut pulaarnermut atatillugu ataatsimiinnermi oqaluuserisassat

- Suliffimmik misiliiffiusumik takusassarsiorneq
- Suliffimmi misiliinermi piffissap affaata nalaani naliliinermik suliffimmi misiliisup saqqummiussinera
- Suliffimmi misiliinermi piffissap affaata nalaani naliliinermik suliffimmi misiliinermi aqutissiuusup saqqummiussinera
- Suliffimmi misiliisup misiliinerata akuerineqarallarnera / itigartinneqarallarnera
- Suliffimmi misiliisup suliatiqut inuttullu anguniagassatut oqaasertaliussanik suliagarnerani killiffia
- Suliffimmi misiliisup suliffimmi misiliinermi suliassami samminiagaa ajornartorsiullu – kiisalu aqutissiorneqarneq
- Suliffimmi misiliisoq suliffimmilu misiliinermi aqutissiuusoq soorunami immikkoortunik ilanngussisinnaapput

Suliffimmi misiliisup ataatsimiinnermi aqutsisuunissaa naatsuaqqamillu imaqarniliornissaa naatsorsuutigineqarpoq, suliffimmi misiliinerup sinnerani suut suliassatut pingaartinneruneranik imalimmik.

6.5.3 Piffissap naalernerani naliliineq

Piffissap affaata nalaani naliliinerup imaasa assinganik piffissap naalernerani naliliineq imaqarpoq – suliffimmi misiliiffiusumut pulaarneq minillugu. Suliffimmi misiliisup inaarutaasumik imminut piffissap naalernerani nalilerluni suliffimmilu misiliinermi aqutissiuusup piffissap naalernerani naliliilluni immersuissapput, imminnut ingerlateqqissallugu suliffimmilu misiliinermi ilinniartitsisumut suliffimmi misiliineq naatinngagu (naanissaa sapaatit akunneranik sioqqullugu) nassiutissallugu.

Suliffimmi misiliisup ilinniarnermi ingerlaqqinnissaanut aalajangiisuulissaaq PI/SPS akuersinermik immersukkamik tigusaqarsimanera.

6.5.4 Suliffimmi misiliinerup ingerlanerani naliliineq

Suliffimmi misiliinerup aqutissiuusup suliffimmilu misiliinerup ilinniartitsisoq taakku marluullutik piffissap suliffimmi misiliiffiusup inaarutaasumik akuerinissaa akisussaaffigaat. Suliffimmi misiliinerup aqutissiuusup (immaqa paaqqinnittarfimmi suliffimmi misiliiffiusumi aqutsisoq suleqatigalugu) suliffimmi misiliisup paaqqinnittarfimmi suliffimmi misiliiffiusumi perorsaasumik sulinerup nalilissallugu akuerissallugulu akisussaaffigai. Suliffimmi misiliinerup ilinniartitsisup suliffimmi misiliisup suliffimmi misiliinerup suliaassap nalilernissaanut akuerinissaanullu akisussaasuvoq.

Suliffimmi misiliinerup aqutissiuusup inaarutaasumik naliliissaaq kingusinnerpaamik suliffimmi misiliinerup naanissaa sapaatit akunnerani sioqqullugu, piffissap naalernerani naliliinerup aamma akuersinerup immersuiffissaq atorlugu, taanna atsiorneqassaaq, scannerlugu mailikkullu suliffimmi misiliinerup ataqatigiissarisumut ilanngullugu nassiunneqassalluni. Suliffimmi misiliinerup ataqatigiissarisup akuersinerup immersukkamik tigusinini uppersassavaa.

Paaqqinnittarfiup misiliiffiusup suliffimmi misiliinerup naanerani suliffimmi misiliinerup akuerineqartutut naliliinerup tunngaviusut quppersakkami matumani piimasaqaatinut ukununga naapertuutissapput:

- Suliffimmi misiliisup anguniagassatut oqaasertaliussanik suliaqarnera
- Suliffimmi misiliinerup piffissap affaata nalaani naliliineq tunngavigalugu suliffimmi misiliisup siuariarsimanera
- Suliffimmi misiliisumut tunngatillugu suliffiup misiliiffiusup suliffimmi misiliinerup isumaqatigiissummi immikkut naatsorsuutigisatut taasimasai
- Suliffiup misiliiffiusup pissutsit akuersinerup tunngasut suliffimmi misiliinissamat isumaqatigiissummi taasimasai.

Suliffimmi misiliisup suliffimmi misiliinerup suliaassaq suliarisimasaa suliffimmi misiliinerup ilinniartitsisup niliissaaq.

6.5.5 Piffissaq suliffimmi misiliineq akuerineqarsinnaangippat

Paaqqinnittarfiup suliffimmi misiliiffiusup nalilerpagu suliffimmi misiliineq akuerineqassanngitsoq, tamanna piffissap naalernerani naliliinerup taaneqassaaq. Seminariami suliffimmi misiliinerup ilinniartitsisup tamanna isumaqatiginngippagu, PI/SPS-imi rektori inaarutaasumik aalajangiisuussaaq. Rektorip aalajangiinera illuatungeriit oqaaseqaataanik kiisalu suliffimmi misiliisup nammineq oqaaseqaataanik tunngaveqassaaq. Suliffimmi misiliinerup ataqatigiissarisup oqaaseqaatit assigiinngitsut pissarsiarissavai.

Suliffimmi misiliisup piffissami suliffimmik misiliinerup siullermi angusinngitsooruni ilinniarnini unitsittariaqarpaa ilinniarnissamullu qinnuteqarfissaq nallertinnagu qinnuteqaaqqittariaqarluni. Suliffimmi misiliinerup aappaanut atatillugu suliffimmi misiliinerup ingerlanissaanut nutaamik periarfissiisooqassaaq. Aamma aappasaanik misiliinerup angusinngitsooruni suliffimmi misiliisup ilinniarnera ingerlaannartumik unitsinneqassaaq.

6.6 Suliffimmi misiliinermik eqikkaaneq

Ilinniartup suliffimmi misileereernerup kingornatigut suliffimmi misiliinermik eqikkaanermini makku anguniassavai:

- Suliffimmi misiliinermini perorsaanermik sulinerminit misilittakkani iluarsaallugit suliarissavai
- Suliffimmi misiliinermini suliassamik suliqaarnini angusanilu iluarsaallugit suliarissavai.

Kapitel 7: Suliffimmi misiliinerup nalaani atugassarititaasut

7.1 Suliffimmi misiliisumut atugassarititaasut

Ilinniartut piffissami suliffimmi misiliinerminni ilinniartuupput ilinniagaqarnersiuteqarnissamullu pisinnaatitaallutik taamaattumik akissarsiaqanngillat. Suliffimmi misiliisoq taamaattumik paaqqinnittarfimmi suliffimmi misiliiffiusumi sulisut amerlassusiligaanerannut ilaangilaq, taamaattumillu meeqqanut/atuisunut akisussaasunngortillugu kisimiittussanngorlugu qimanneqaqqusaanani.

Suliffimmi misiliisoq taartitut sulisinnaangilaq akissarsiorluniluunniit sulisoq taarsersinnaanagu. Suliffimmi misiliisup ileqqussatut piumasaqaatit malinngippagit, suliffimmi misiliinermi ilinniartitsisoq piaarnerpaamik attaveqarfigneqassaaq ilinniarnermilu kinguneqartitsisinnaaneq oqaluuserineqassalluni.

Suliffimmi misiliisup aamma naatsorsuutigisariaqarpaa, Meeqqanik pinerliisimannginnermut uppersaammik takutitsinissani (tak. Meeqqanik pinerliisimannginnermut uppersaatinik piumasaqaateqartussaataaneq pillugu Inatsisartut inatsisaat nr. 8, 19. maj 2010-meersoq) aamma nipangiussisussaataaneq pineqartunut ilaalluni (tak. Pisortat ingerlatsineranni suliassat suliarineqartarnerat pillugu Inatsisartut inatsisaat nr. 8, 13. juni 1994-imeersoq). Nipangiussisussaataaneq suliffimmi misiliinerup nalaani kingornalu atuuppoq. Paaqqinnittarfiup suliffimmi misiliiffiusup piumasarisinnaavaa nipangiussisussaataanermut nalunaarummik suliffimmi misiliisoq atsiussasoq. Nipangiussisussaataanermik unioqqutitsineq suliffimmi misiliisumut sulisutulli allanut atuuttumik kinguneqartitsisoqassaaq. Suliffimmi misiliisoq aammattaaq annertusisamik nalunaaruteqartussaataanermi pineqartunut ilaavoq (tak. Meeqqat tapersorneqarnissaannut Inatsisartut inatsisaat nr. 20, 26. juni 2017-imeersoq).

7.1.2 Suliffimmi misiliisup sapaatit akunneranut piffissat suliffigisartagassai

Suliffimmi misiliisoq agguaqatigiissillugu sapaatit akunneranut pisussaavoq piumasaqarsinnaallunilu:

- 28 tiimit perorsaanermik sulineq, suliffimmi misiliisoq peqataassaaq sulisut allat naligalugit (atuarfinni nunanilu allani sapaatit akunneranut 25 tiimini perorsaanermik sulineq akuerineqartarpoq)
- Suliffimmi misiliinermi aqutissiuisorlu sapaatit akunneranut marloriarlutik aaqqissuussaasumik naapinnerit
- 10 tiimit piffissaq ilinniarnermut atornerqartoq, suliffimmi misiliisup nammineq allattariarsorluni suliassanut piareersarnek, sulihamullu tunngasunik atuakkanik atuarnek aaqqissuutissavaa.

Suliffimmi misiliisoq piffissami suliffimmi misiliinermini peqanngissimaguni, peqannginnerlu immikkut peqquteqarsimappat (assersuutigalugu nammineq meearluunniit sivisuumik napparsimalluni) nakorsap oqaaseqaataanik ilinniarnermiluunniit naliliinermik tunngavilimmik malittarisassanit immikkut akuersissuteqartoqarsinnaavoq (tak. Ilinniarneq pillugu quppersakkami qup. 40). 15 %

ataassimappagu peqanngissimanermut immikkut akuerissuteqartoqassanngilaq. Suliffimmi misiliineq tamakkerlugu piffissami tiimit peqanngittarnerit 15 % sinnerneqarsimappata, peqanngittarneq suliffimmi misiliisup sulisarneranut pissarsiaanullu suliffimmi misiliinermi anguniagaasunut sanilliullugit naliliivigineqassaaq. Peqanngittarnermut arlaatigut nalimmassaasoqarsinnaavoq, suliffimmi misiliinermi ataqatigiissaarisup, suliffimmi misiliinermi aqutissiuusup suliffimmilu misiliinermi ilinniartitsisup isumaqatigiissuteqarnerisigut.

7.1.3 Suliffimmi misiliisup piffissat suliffigisartagaasa aalajangersarneqarnerat

Suliffimmi misiliinermi aqutissiuusup suliffimmi misiliisup suleqatigalugu suliffimmi misiliisup qaammammut suliffigisassai piffissalersorlugit pilersarusiortassavai, tassani suliffimmi misiliisup anguniagai siunertaalu pingartinneqartassallutik.

Suliffimmi misiliisup paaqqinnittarfiup suliffimmi misiliiffiusup kissaataanut tunngatillugu sapinngisamik eqaatsuunerminik ersersitsisariaqarpoq. Suliffimmi misiliisup piffissat suliarfigisartagaasa/takkuffigisartagaasa suliffimmi misiliinermi aqutissiuusup aqqissuutissavai, taamaalillutik suliffimmi misiliinermi aqutissiuusup suliffimmilu misiliisup inimi/immikkoortortaqarfimmi piffissaqarfiginissaminut periarfissaqassapput. Aamma ilanngullugu eqqarsaatigineqarsinnaavoq, tiimit atorineqartussat aqqissuunneqassanersut, taamaalilluni suliffimmi misiliisup anguniagassami suliarinissaanut, perorsaanermi sammisassaqtitsinissamut ilinniarnermullu tunngasunik suliaqarnissamut periarfissaqassalluni.

Aammattaq aqqissuussaasumik naapittarnerit pilersarusiortoqassaaq, soorlu aamma tassani ullormut oqaluuserisassat oqaluuserineqartassasut. Tamanna pissaaq suliffimmi misiliisup anguniagassatut oqaasertaliussai, paaqqinnittarfiup suliffimmi misiliinermi anguniagai kiisalu anguniakkat allat Suliffimmi misiliineq pillugu quppersakkameersut aallaavigalugit.

Ataasinngorneq	Marlunngorneq	Pingasunngorneq	Sisamanngorneq	Tallimanngorneq	Tiimit katillugit
8-14 (6 tiimit)	7-11 (4 tiimit)	8-14 (6 tiimit)	13-17 (4 tiimit)	8-16 (8 tiimit)	28
14-16: Aqqissuussaasumik naapittarnerit					2
	12-16: Nammineq ilinniarneq	14-16: Nammineq ilinniarneq	8-12: Nammineq ilinniarneq		10

Tiimit agguataarnerannut assersuut.

Suliffimmi misiliisup ilikkariartorneranik suliffimmi misiliinermi aqutissiuusup tapersersussavaa suliffimmi misiliineq tamakkerlugu ataatsimiittarnerit attuumassuteqartuni peqataatittarneratigut, soorlu inimi imaluunniit immikkoortortaqarfimmi ataatsimiinnerni, sulisut ataatsimiinnerini, angajoqqaanik ataatsimiitsinerni, perorsaanernik assigisaanillu ulloqartitsinerni.

7.1.4 Suliffimmi misiliinerup nalaani feeria

Suliffimmi misiliinerup nalaani feeriarartoqarneq ajorpoq.

Suliffimmi misiliisoq suliassap allanneranut atatillugu tiiminik katersinissamut periarfissaqarpoq. Annerpaamik ullunik pingasunik katersisoqarsinnaavoq.

7.1.5 Suliffimmi misiliinerup nalaani seminariamut atassuteqarneq

Suliffimmi misiliisoq PI/SPS-imi ilinniartitsisumut atassuteqarpoq, suliffimmilu misiliinerup ingerlanerani ilinniartitsisuulluni. Atorfii marluusut tunngavigalugit misiliisup attavigisinnaavaa.

Suliffimmi misiliinermi ataqatigiissaarisoq aamma suliffimmi misiliisumit suliffimmilu misiliinermi aqutissiuusumit attavigineqarsinnaavoq.

Inuttut ajornartorsiutinut tunngatillugu suliffimmi misiliisoq Nuna Tamakkerlugu Iltersuisarfimmut www.vejledning.gl aqutigalugu saaffiginnissinnaavoq. Pinartumik ikiorneqarnissamik pisariaqartitsisoqartillugu PI/SPS-imi ilinniarnermi aqutissiuisoq attaveqarfigineqassaaq oqarasuaatikkut normu +299 38 35 50-ikkut.

Suliffimmi misiliinerup aallartinnerata qaammatip ataatsip missaata qaangiunnerani suliffimmi misiliinermi ilinniartitsisup suliffimmi misiliinermi aqutissiuisoq suliffimmi misiliinerup aallartinnera pillugu oqaloqatigiinnissaq siunertaralugu attaveqarfigissavaa. Tassunga atatillugu suliffimmi misiliinermi piffissaliussanut atugassarititaasunullu tunngatillugu paatsooqatigiittoqarsimappat ersernerluttoqarpalluunniit paaseqatigiissutiginiarneqassapput.

Suliniut tamanna aallartisarneqarneqarpoq suliffimmi misiliisumut piffissat suliffiusut aamma suut suliarineqassanersut paatsooqatigiissutigineqaqqunagit.

7.1.6 Suliffimmi misiliineq unitsinneqarpat

Piffissaq suliffimmi misiliiffiusoq unitsinneqarpat suliffimmilu misiliisup sivikinnerpaamik piffissap misiliiffiusup affaa ingerlatereersimallugu, piffissaq suliffimmi misiliiffiusup naannginnerani naliliisoqarsinnaavoq. Suliffiup misiliiffiusup piffissap affaa suli qaangiutinngitsoq suliffimmi misiliinermit isumaqatigiissut kipitippagu, taava seminaria pisussaavoq suliffimmi misiliisup misiliinera ingerlaannaqqullugu paaqqinnittarfimmik suliffimmi misiliiffissamik allamik nassaassalluni. Paaqqinnittarfiup suliffimmi misiliiffiusup suliffimmi misiliinermit ilinniarnermut piumasaqaatinik naammassinninngitsoq paasineqarpat, seminaria pisussaalissaaq suliffimmi misiliisup paaqqinnittarfimmik suliffimmi misiliiffissamik nutaamik ujarliutissallugu.

Suliffimmi misiliisoq nammineq assigiinngitsunik peqquteqarluni suliffimmi misiliinini unitsikkuniuk taava seminaria suliffimmik misiliiffissamik allamik ujarliussinissamut pisussaaffeqanngilaq. Tamanna suliffimmi misiliisup nammineq isumagissavaa.

Suliffimmi misiliisup paaqqinnittarfiullu suliffimmi misiliiffiusup akornanni nalornisoqalerpat imaluunniit suleqatigiinniarnikkut ajornartorsiuteqartoqalerpat suliffimmi misiliinermit ilinniartitsisoq attaveqarfigineqassaaq.

7.1.7 Ilulissat avataani imaluunniit nunani tamalaani suliffimmi misiliineq

Suliffimmi misiliineq Ilulissat avataani pissappat, taassuma malitsigisaanik suliffimmi misiliisumut akisussaaffimmik annerusumik piumasaqarfiuvoq oqaatsitigut kulturikkullu

unamminiagassanut tunngatillugu. Taamaalilluni suliffimmi misiliisup aamma nammineq akisussaaffigaa assersuutigalugu inissarsiornissani, nammineq meeqqami meeqqeriveqarfinni inissaqartinnissaat atuarfeqarnissaalluunniit, sillimmasernissaq napparsimalernissamulluunniit sillimmasernissaq immaqalu ilinniartut ineqarfiini inigisap pequsersornissaa angalanissamullu billettin inniminnernissaat eqqarsaatigalugit. Tamakku suliffimmi misiliisup namminerpiaq akisussaaffigai.

Suliffimmi misiliisup suliffimmi misiliineq pillugu isumaqatigiissut uppersarsassavaa, inissarsiorniaruni, tamanna ilinniarnermi suliffimmi misiliinertut uppersarsaatitut atorveqartarmat. Ilinniartup inimik/ilinniartut ineqarfiini inimik tunineqarnermini paasiniassavaa ilinniartut ineqarfiini ini pequteqarnerseq, pequtinik pisissagaluaruni kiisalu inimut uppersarsaat allaffimmut tunniutissallugu.

Ineqarnermut aningaasartuutit marloriaammik annertussuseqassanngimmata, ineqarnermullu atatillugu aningaasartuutit anneruppata, taava Namminersorlutik Oqartussat nalunaarutaat nr. 9, 19. juli 2017-imeersoq naapertorlugu Kalaallit Nunaanni avataanilu najugaqarnermut atatillugu aningaasartuutinut tapiiffigineqarnissamut periarfissaqarpoq. Aningaasartuutit annertussusiat apeqqutaalluni tapiissutit assigiinngitsunik annertussusilerneqarsinnaapput.

Ineqarnermut aningaasartuutit imaappata:

-Kr. 4000-it tikillugit 100%-inik matussuserneqassapput

-Kr. 4000 aamma kr. 10.000 akornanniippata 75%-inik matussuserneqassapput

Suliffimmi misiliisup suliffimmi misiliinerup nalaani nammineq meeqqami meeqqerivinni inissaqartinnissaat periarfissarsiusavai. Piffissaq suliffimmi misiliineq aallartippat suliffimmi misiliisup meera atuarfimmi aamma imaluunniit meeqqerivimmi inissarsereersimassapput. Taamaattumik suliffimmi misiliisup akisussaaffigivaa inissanik piniarnermini allaffik atuuttoq attaveqarfigissallugu.

Nunani allani suliffimmi misiliinermi suliffimmi misiliisup nammineq apeqqutit sillimmasiinermit napparsimanermit sillimmasiinermit tunngasut paasereersimassavai piffissaalluartillugulu qinnutigalugit.

7.1.8 Illoqarfimmit ilinniarfimmiit paaqqinnittarfirmut misiliiffissamut angalanerit

Ilinniartut illoqarfimmi allami suliffimmi misiliissappata, PI/SPS angalaneq illoqarfimmit ilinniarfimmiit suliffimmi misiliiffissamut angalanerit akilissavai. Ilinniartuq PI/SPS-imi allaffik suleqatigalugu angalanissamut inniminniissapput. Billetsinik inniminniinermi suliffimmi misiliineq pillugu isumaqatigiissut, inissaq meeqqerivinni inissat isumannaareersimassapput.

Suliffimmi misiliiffiup akunniffiullu akornanni assartuinermit aningaasartuutit akilerneqarneq ajorput. Tassa imaappoq, Nuummi ilinniartut ineqarfianni najugaqaruit suliffillu misiliiffiusoq Nuussuarmiilluni taava aningaasartuutit taakku nammineq akilissavatit (takuuk Ilinniagaqarnerisutit pillugit Namminersorlutik Oqartussat nalunaarutaat nr. 9, 19. juli 2017-imeersumi § 40).

7.2 Suliffimmi misiliinermi aqutissiuisumut atugassarititaasut

7.2.1 Suliffimmi misiliinermi aqutissiuisup akissarsiaqartinneqarnera

Suliffimmi misiliinermi aqutissiuisoq annerpaamik suliffimmi misiliisumut ataatsimut sapaatit akunnerani ataatsimi aqqissuussaasumik naapittarnernut nal. akunnerinik marlunnut akissarsiaqartinneqassaaq. Suliffimmi misiliinermi aqutissiuisoq aqqissuussaasumik naapittarnernut suliffimmi misiliisoq naligalugu piareersartassaaq – pimoorussilluni peqataassaaq immikkut ullormut oqaluuserisassat aallaavigalugit, taamaattumillu aqqissuussaasumik naapittarnernut akissarsiaqartinneqarluni. Suliffimmi misiliinermi aqutissiuisuuneq suliassat qaavatigut suliakkersuivoq.

7.2.2 Suliffimmi misiliinermi aqutissiuisup peqannginnera napparsimaneraluunniit

Suliffimmi misiliinermi aqutissiuisoq suliassanik isumagisinnaajunnaarunigit (assersuutigalugu sapaatit akunneranik ataatsimik sivisunerusumik peqarnani), paaqqinnittarfik suliffimmi misiliinermi aqutissiuisumut taartaagallartussamik imaluunniit ataavartumik taartaasussamik aaqqiissuteqassaaq PI/SPS-imilu suliffimmi misiliinermi ilinniartitsisumut imaluunniit suliffimmi misiliinermi ataqatigiissaarisumut tamanna nalunaarutigissallugu. Paaqqinnittarfiup suliffimmi misiliiffiusup suliassaq nammineerluni aaqqiissuteqarfigisinnaangikkuniuk PI/SPS-imi suliffimmi misiliinermi ilinniartitsisoq imaluunniit suliffimmi misiliinermi ataqatigiissaarisoq piaarnerpaamik attaveqarfigineqassaaq, aaqqiissuteqarnissaq siunertaralugu. Suliamik isumaginnissinnaanginneq assersuutigalugu peqquteqarsinnaavoq napparsimaneq pissutigalugu peqannginneq, feeria imaluunniit pikkorissarneq il.il.

Kapitel 8: Suliffimmi misiliineq pillugu annertunerusumik

Perorsaasunngorniatut ilinniarneq pillugu paasissutissat annertunerusut ilinniagaqarnermik aaqqissuussinermi aamma ilinniarneq pillugu quppersakkami nassaarineqarsinnaapput, taakku www.pi.sps.gl-imi pissarsiarineqarsinnaapput.

8.1 Atuakkat allattorsimaffiat

- Højberg, Birgitte (2015): Læring i praktikken. Tilgange og metoder i pædagogstuderendes praktik. Frederikshavn: Dafolo.
- Poulsen, Susanne og Bendix, Helle (2009): Den reflekterende praktikvejleder. Praktik og praktikvejledning på pædagoguddannelsen. Frederikshavn: Dafolo.